

花草粹編十二卷目錄

長調

泛清波滴遍

真珠髻

傾盃樂二

青門飲三

落梅二

望梅三

征部樂

望遠行三

內家嬌

楚宮春慢

夜飛鵲二

望海潮六

望湘人

傾盃二

折紅梅二

古傾盃三

惜黃花慢

菩薩蠻引

汎清茗

一萼紅五

薄倖三

飛雪滿群山

一寸金二

憶瑤姬

五綵結同心二 杜常娘二

綠意

解珮環

骨馬索

擊梧桐二

八寶粧

大聖樂二

風流子十一

長壽樂

八犯玉交枝

踈影二

霜葉飛三

過秦樓二

江神子慢二

鬪嬋好

慢捲綉二

女冠子七

壽星明

離別難

透碧霄二

選冠子一名蘇武慢十三

惜餘春慢

玉山枕

洞庭春色三

丹鳳吟

沁園春二十六

輪臺子

梅花引五

紫萸香慢

八歸二

宣清

賀新郎二十六

乳燕飛

金縷歌

風瀑布

摸魚兒八

集賢賓

邁陂塘三

瑤臺月

集賢賓

子夜歌

鳳歸雲

吊嚴陵

迷仙引

金明池

夏雲峯

笛家弄慢二

送征衣

綠頭鴨

春雪間早梅

翠羽吟

春風裊娜

洞仙歌

白苧二

蘭陵王三

十二時

破陣樂二

浪淘沙慢二

大酺二

瑞龍吟二

玉女搖仙佩

多麗六

六醜

輪臺子

六州歌頭四

夜半樂

寶鼎現二

哨遍

三臺

拋毬樂

哨遍二

戚氏二

勝州令

鶯啼序二

花草粹編十二卷目錄終

花草粹編卷之十二

朗陵外方陳耀文晦伯甫纂

長調

泛清波滴遍

晏叔原

催花雨小着柳風柔都似去年時候好露紅烟綠盡
有狂情鬪春早長安道秋千影裡絲管聲中誰放豔
陽輕過了倦客登臨暗惜花光陰恨多少 楚天渺
歸思正如亂雲短夢未成芳草空把吳霜鬢華自悲
清曉帝城杳雙鳳舊約漸虛孤鴻後期難到且趁朝
花夜月翠尊頻倒

真珠髻

重重山外冉冉流光又是殘冬時節小園幽徑池邊
樓畔翠木嫩條春別織葢苞輕粉萼染猩猩鮮血乍
幾日好景和風次第一齊催發天然香艷殊絕比
成雙皎皎倍芳潔去年因遇東歸使指增遠恨意曾
攀折豈謂浮雲始終不放滿枝明月但歎息時飲金
鍾更遶叢叢繁雪

傾盃樂

上元

柳耆卿

禁漏花深繡工日永蕙風布暖變韶景都門十二元
宵三五銀蟾光滿連雲複道凌飛觀聳皇居麗佳氣

瑞烟葱蒨翠華宵幸是處層城闔苑龍鳳燭交光
星漢對咫尺鰲山開雉扇會樂府兩籍神仙梨園四
部絃筦向曉色都人未散盈萬井山呼鰲抃願歲歲
天仗裏常瞻鳳輦

席上賞雪

曾覲

錦帳寒添畫簷雀噪凍雲布野望空際瑤峯微吐瓊
花初綻江山如畫裁冰剪水裝鴛瓦杳旗亭路依稀
管絃臺榭小樓佳興一行珠簾不下隨縷板歌聲
閑暇傍翠袖雲鬟憐艷冶似伴醉不耐嬌羞濃歡旋
學風雅向暝色雙鸞舞罷紅獸暖春生金竿但殢飲

香霧捲壺天不夜

青門飲

贈妓

少游

風起雲間鴈橫天末嚴城畫角梅花三奏塞草西風
凍雲籠月窗外曉寒輕透人去香猶在孤衾長閑餘
綉恨與宵長一夜薰爐添盡香獸前事空勞回首
雖夢斷春歸相思依舊湘瑟聲沉庾梅信斷誰念畫
眉人瘦一句難忘處怎忍辜耳邊輕呪任人攀折可
憐又學章臺楊柳

寄寵人

時彥

胡馬嘶風漢旗翻雪彤雲又吐一竿殘照古木連空

亂山無數行盡暮沙衰草星斗橫幽館夜無眠燈花
空老霧穠香鴨冰凝淚燭霜天難曉長記小粧纔
了一盃未盡離懷多少醉裏秋波夢中朝雨都是醒
時煩惱料有牽情處忍思量耳邊曾道甚時躍馬歸
來認得迎門輕笑

曹元寵

山靜烟沉岸空潮去晴天萬里飛鴻南渡冉冉黃花
翠翹金鈿還是倚風凝露歲歲青門飲盡龍山高陽
儔侶舊賞成空回首舊遊人在何處此際誰怜萍
泛空自感光陰暗傷羈旅醉裏悲歌夜深驚夢無柰

覺來情緒孤館昏還曉厭時聞南樓鍾鼓
風腸斷望中歸路
淚眼臨

落梅

王晉卿

壽陽粧晚慵勻素臉經宵醉痕堪惜前村雪裏幾枝
初綻冰姿仙格忍被東風亂飄滿地殘英堆積可堪
江上起離愁憑誰說寄腸斷未歸客
流恨聲傳羌
笛感行人水亭山驛越溪信阻仙鄉路杳但風流塵
跡香艷濃時未多吟賞已成輕擲願身長健且凭欄
明年還放春消息

落梅慢

梅苑

帶烟和雪繁枝淡竚誰將粉融酥滴踈枝冷並壓群
芳年年常占春色江路溪橋謾倒裊裊風中無力暗
香浮動冰姿明月裏想無花比高格
爭柰光陰瞬
息動幽怨潛生羌笛新花開巧有天然閑態倚欄堪
惜零亂殘英片片飛上舞筵歌席斷腸忍淚念前期
經歲還有芳容隔

望梅小春

柳耆卿

小寒時節正同雲暮慘勁風朝冽信早梅偏占陽和
向日處凌晨數枝爭發時有香來望明艷遙知非雪
想玲瓏嫩蘂弄粉素英旖旎清絕
仙姿更誰並列

有幽光映水踈影隴月且大家留倚闌干對綠醕飛
觥錦牋吟閱桃李繁華柰彼此芬芳俱別等和羹待
用休把翠條謾折

王聖與

畫欄人寂喜輕盈照水犯寒先折裊茹枝雲縷鮫綃
露淺淺塗黃漢宮嬌額剪玉裁冰已占斷江南春色
恨風前素艷雪裏暗香偶成拋擲如今眼穿故國
待拈花嗅盡時話思憶想隴頭依約飄零甚千里芳
心杳無消息粉怯珠愁又只恐吹殘羌笛正斜飛半
窓曉月夢回隴驛

陸務觀

壽非金石恨天教老向水程山驛似夢來到南柯這
些子光陰更堪輕擲戍火邊塵又過了一年春色歎
名姬駿馬盡付杜陵死路豪客長繩漫勞繫日看
人間俛仰俱是陳迹縱自倚英氣凌雲柰回盡鵬程
鍛殘鸞翮終日憑高梢不見江東消息美沙邊也有
斷鴻倩誰問得

征部樂

思州

柳耆卿

雅惟幽會良夜可惜虛拋擲每追念狂蹤舊跡長祗
恁愁悶朝夕憑誰去花衢覓細說與此中端的道向

我轉覺厭厭憂後魂勞苦相憶 須知最有風前月
下心事始終難得但願我重重心下把人看待長似
初相識况漸逢春色便是有舉場消息待這回好好
憐伊更不輕離折

望遠行

雪 詠

柳耆卿

長空降瑞寒風剪浙浙瑤花初下亂飄僧舍密酒歌
樓迤邐漸迷鴛瓦好是漁人披得一簑歸去江上晚
來堪画滿長安高却旗亭酒價 幽雅乘興最宜訪
戴泛小棹越溪瀟洒皓鶴奪鮮白鵬失素千里廣鋪
寒野須信幽蘭歌斷同雲收盡別有瑤臺瓊榭放一

輪明月交光清夜

相思

前人

繡幃睡起殘粧淺無緒勻紅舖翠藻非凝塵金梯鋪
蘚寂寞鳳樓十二風絮紛紛煙蕪冉冉未日西欄沉
吟獨倚望遠行南陌春殘悄歸騎 凝睇消遣離愁
無計但暗擲金釵買醉對好景空飲香醪爭柰轉添
珠淚待伊遊冶歸來故故解放翠羽輕裙重繫見纖
腰圍小信人憔悴

梅花

重陰未解又早是年時梅花爭綻暗香浮動踈影橫

斜月淡水清亭院好是前村雪裏一枝開處昨夜東
風布暖動行人多少離愁腸斷 凝戀天賦自然雅
態似壽陽初勻粉面故人折贈欣逢驛使只恐隴頭
春晚寄與高樓休學龍吟三弄留取瓊花爛熳正有
人同倚闌干爭看

內家嬌

春恨

柳耆卿

煦景朝升煙光晝歛疎雨夜來新霽垂楊艷杏絲軟
霞輕繡出芳郊明媚處處踏青闌草人人偎紅倚翠
柰少年自有新愁舊恨消遣無計 帝里風光當此
際正好恁携佳麗阻歸程迢遞柰向好景難留舊懽

類棄早是傷春情緒那堪困人天氣但贏得默立高
原斷腸一餉凝睇

楚宮春慢

仲殊

輕盈絳雪乍團聚同心千點珠結畫館繡幄低飛融
融香徹笑裏精神放縱斷未許年華偷歇信任芳春
都不管浙浙南薰別是一家風月 扁舟去後回望
處娃宮淒涼凝咽身似斷雲零落深心難說不與雕
欄寸地忍覩着漂流離缺盡日厭厭揔無語不及高
唐夢裡相逢時節

夜飛鵲

別情

周美成

河橋送人處涼夜何其斜月遠墮餘輝銅盤燭淚已
流盡霏霏涼露霑衣相將散離會處探風前津鼓樹
杪參旗華驄會意縱揚鞭亦自行遲迢遞路回清
野人語漸無聞空帶愁歸何意垂紅滿地遺鈿不見
斜徑都迷免葵燕麥向殘陽欲與人齊但徘徊班草
唏噓酹酒極望天西

別意

盧申之

驕嘶破清曉分恨臨期花下恁月明知餘光是處散
離思最憐香靄霏霏牽衣搵彈淚問淒風愁露剗地
東西留鞭換佩怕匆匆已是遲遲涼怯幾番羅帶

還燕別文梁螢點書幃一自秋娘迢遞黃金對酒爭
忍輕揮新來院落燕難尋簾幕長垂怕彫梧敲徑驚
回舊夢應也顰眉

望海潮

京

柳耆卿

東南形勝江湖都會錢塘自古繁華煙柳画橋風簾
翠幙參差十萬人家雲樹遶堤沙怒濤捲霜雪天塹
無涯轉列珠璣戶盈羅綺競豪華重湖疊巘清佳
有三秋桂子十里荷花羌管弄晴菱歌汎夜嬉嬉釣
叟蓮娃千騎擁高牙乘醉聽簫鼓吟賞煙霞異日圖
將好景歸去鳳池誇

者卿與孫相何為布衣交孫知杭門禁甚嚴者卿
欲見之不得作此詞往詣名妓楚楚曰欲見孫相
恨無門路若因府會願借朱唇歌於孫之前若問
誰為此詞但說柳士中秋夜會楚宛轉歌之孫即
日迎者
卿預坐

洛陽懷古

淮海

梅英疎淡水漸溶洩東風暗換年華金谷俊游銅駝
巷陌新晴細履平沙長記誤隨車正絮翻蝶舞芳思
交如柳下桃蹊亂分春色到人家 西園夜飲鳴笳
有華燈礙月飛蓋妨花蘭苑未空行人漸老重來是
事堪嗟煙暝酒旗斜但倚樓極目時見棲鴉無柰歸
心暗隨流水到天涯

別意

前人

奴如飛絮即如流水相沾便肯相隨微月戶庭殘燈
簾幙忽忽共惜佳期絕話暫分携早抱人嬌咽雙淚
紅垂畫舸難停翠幃輕別兩依依 別來怎表相思
有分香帕子合數松兒紅粉脆痕青歲嫩約丁寧莫
遣人知成病也因誰更自言秋杪親去無疑但恐生
時注著合有分于飛

贊賀

沈公述

山光凝翠川容如画名都自古并州簫鼓沸天弓刀
似水連營十萬貔貅金騎走長楸少年人一一錦帶

吳鈞路入榆關鴈飛汾水正宜秋
追思昔日風流
有儒將醉吟才子狂遊松偃舊亭城高故國空餘舞
榭歌樓方面倚賢侯便恐為霖雨歸去難留好向西
溪恣携絃管宴蘭舟

石孝友

離情水泮歸心雲擾黯然凝竚江臯柳色搖金梅香
弄粉依稀滿眼春嬌常記極遊遨更與持玉竿因解
金貂即去瞿塘妾家巫峽水迢迢
別來暗減風標
柰碧雲暗斷翠被香銷春草生池芳塵凝榭淒涼月
夕花朝千里夢魂勞但鳥啼渡口猿響山椒擬把無

窮幽恨萬疊寫霜綃

呂聖求

側寒斜雨微燈薄霧匆匆過了元宵簾影護風盆池
見日青青柳葉柔條碧草皺裙腰正晝長烟煖蜂困
鶯嬌望處淒迷半篙綠水斜橋
孫郎病酒無聊記
鳥絲醉語碧玉風標新燕又雙蘭心漸吐佳期趁取
花朝心事轉迢迢但夢隨人遠心與山遙誤了芳音
小窓斜日到芭蕉

望湘人

春思

賀方回

厭鶯聲到枕花氣動簾醉翳愁夢相半被惜餘薰帶

驚剩眼幾許傷春春晚淚竹痕鮮佩蘭香老湘天濃
暖記小江風月佳時屢約非烟遊伴 須信寫絃易
斷柰雲和再鼓曲終人遠認羅襪無蹤舊處弄波清
淺青翰棹艤白蘋洲畔儘目臨臯飛觀不解寄一字
相思幸有歸來雙燕

傾盃

送別

柳耆卿

離讌慙慙蘭舟凝滯看看送行南浦情知道世上難
使皓月長圓彩雲鎮聚笑人生悲莫悲於輕別最苦
正懽悞便分鴛侶淚流瓊臉梨花一枝春帶雨 慘
黛蛾盈盈無緒共黯然消魂重携纖手話別臨行再

三問道君須去頻耳畔低語知多少他日深盟平生
丹素從今盡把憑鱗羽

張子野

飛雲過盡明河淺天無畔草色栖霞霜華清暑輕颺
弄袂澄瀾拍岸宴玉塵談賓倚瓊枝秀挹雕觴滿午
夜中秋十分圓月香槽撥鳳朱絃軋鴈 正是欲醒
還醉臨空悵遠壺更疊換對東西數里回塘恨零落
芙蓉春不管籠燈待散誰知道座有離人目斷雙歌
伴烟江艇子歸來晚

折紅梅

吳感

喜輕漸初泮微和漸入芳郊時節春消息夜來陡覺
紅梅數枝爭發玉溪仙館不是箇尋常標格化工別
與一種風情似勻點胭脂染成香雪 重吟細閱比
繁杏天桃品流真別只愁共彩雲易散冷落謝池風
月憑誰向說三弄處龍吟休咽大家留取倚闌干聞
有花堪折勸君須折

二

覩南翔征鴈踈林敗葉凋霜零亂獨紅梅自守歲寒
天教最後開綻盈盈水伴踈影蘸橫斜清淺化工似
把深色胭脂恠姑射冰姿剩與紅間 誰人寵眷待

金鎖不開凭欄先看曾飛落壽陽粉額粧成漢宮傳
徧江南風暖春信喜一枝清遠對酒便好折取奇苞
撚清香重嗅舉杯重勸

古傾盃

林鐘商

柳耆卿

凍冰消痕曉風生暖春滿東郊道暎暎淋景煙和露
潤徧染長堤芳草斷鴻隱隱歸飛江天杳杳遙山變
色粧眉淡掃目極千里閑倚危檣迥眺 動幾許傷
春懷抱念何處韶陽徧早想帝里看看名園芳榭爛
熳鶯花好追思往昔年少繼日恁把酒聽歌量金買
笑別後暗負光陰多少

黃鍾調

水鄉天氣洒蕙葭露結寒生早客館更堪秋杪空堦
下木葉飄零颯颯聲乾狂風亂掃當無緒人靜酒初
醒天外征鴻知送誰家歸信穿雲悲叫蛩響幽窓
風窺寒硯一點銀缸閑照夢枕頻驚愁衾半擁萬里
歸心悄悄往事追思多少贏得空使方寸攪斷不成
眠此夜厭厭就中難曉

大石調

金風淡蕩漸秋光老清宵永小院新晴天氣輕煙乍
歛皓月當軒練淨對千里寒光念幽期阻當殘景早
是多愁多病那堪細把舊約前歡重省最苦碧雲
信斷仙鄉路杳歸鴻難倩分高歌強遣離懷柰慘咽
翻成心耿耿漏淺露冷空贏得悄悄無言愁緒終難
整又是立盡梧桐清影

惜黃花慢

楊無咎

霽空如水襯落木墜紅遙山堆翠獨立閑堦數聲笛
度風前幾點鴈橫雲際已涼天氣未寒時問好處一
年誰記笑聲裡摘得半又金粟來至橫斜為插烏
紗更碎揉泥入金樽瓊蠟滿酌霞觴願人壽百千可
柰此時情味牛山何必獨沾衣對佳節惟應懽醉看

睡起曉蝶也花愁懶戲

菩薩蠻引

曉鶯催起問當年秀色為誰料理悵別後屏掩吳山
便樓燕月寒鬢蟬雲委錦字無憑付銀燭盡燒千紙
對寒泓淨碧又把去鴻往恨都洗 桃花自貪結子
道東風有意吹沒流水謾記得當日心嫁卿卿是日
暮天寒翠袖堪倚扇月乘鳶儘夢隔嬋娟千里到嗔
人從今不信畫簷鵲喜

汎清茗

正月十四日與公
輝吳興汎月

張子野

綠淨無痕過曉霽清茗鏡裏遊人紅粧巧綵船隱當

筵主秘館詞臣吳娃勸飲韓娥唱競艷容左右偕春
學為行雨傍画梁從教水濺羅裙 溪烟混月黄昏
漸樓臺上下火影星分飛檻倚斗牛近響箫鼓遠破
重雲歸軒未至千家待掩半粧翠箔朱門衣香拂面
扶醉卸簪花滿袖餘暍 一名感
皇恩

一萼紅

久日長沙
登定王墓

姜堯章

古城陰有官梅幾許紅萼未宜簪池面冰膠墻腰雪
老雲意還又沉沉翠藤共閑穿徑竹漸笑語驚起卧
沙禽野老林泉故王臺榭呼喚登臨 南去北來何
事蕩湘雲楚水目極傷心朱戶黏鷄金盤簇燕空嘆

時序侵尋記曾共西樓雅集想垂柳還裊萬絲金待
得歸鞍到時只怕春深

雅詞

斷雲漏日青陽布漸入融和天氣糝綴夭桃金綻垂
楊粧點亭臺佳致曉露染風裁雨暈是牡丹偏稱化
工美向此際會未教一萼紅開鮮菜迤邐漸成春
意放秀色妖艷天真難比粉惹蝶翅香上蜂須忍把
芳心縈碎爭似便移歸深院將綠蓋青幃護風日恁
時節占斷與偎紅倚翠

寄并陽翁

李商隱

過薔薇正風喧雲澹春去未多時古岸停橈單衣試
酒滿眼芳草斜暉故人老經年賦別燈暈裏相對夜
何其泛剡清愁買花芳事一卷新詩流水孤航漸
遠想家山猿鶴喜見重歸北阜尋幽青津問釣多情
楊柳依依最難忘吟邊舊語數菖蒲老是來期幾夕
相思夢蝶飛遶蘋溪

登蓬萊閣有感

周公謹

步深幽正雲黃天淡雪意未全休鑑曲寒沙茂陵烟
草俛仰今古悠悠歲華晚漂零漸遠誰念我同載五
湖舟磴古松斜厓陰苔老一片清愁回首天涯歸

夢幾魂飛西浦淚洒東州故國山川故園心眼還似
王粲登樓最負他秦鬟粧鏡好江山何事此時遊為
喚狂吟老監共賦銷憂

夜聞南婦哭北

劉天迪

擁孤衾正朔風淒緊羶帳夜驚寒春夢無憑秋期又
誤迢遞烟水雲山斷腸處黃茅瘴雨恨駱馬憔悴只
空還揉碎盟孤啼紅怨切暗老朱顏 堪嘆揚州十
載甚侶條冶葉不省春殘蔡琰悲笳昭君怨曲何預
當日悲歡謾贏得西隣倦客空惆悵今古上眉端夢
破梅花角聲又報更闌

薄倖

春情

賀方回

淡粧多態更的的頻回眇眇便認得琴心先許與縮
合歡雙帶記畫堂風月逢迎輕顰淺笑嬌無奈向睡
鴨爐邊翔鴛屏裡羞把香羅偷解 自過了收燈後
都不見踏青挑菜幾回憑雙燕丁寧深意往來翻恨
重簾礙約何時再正春濃酒爇人閑晝永無聊賴慙
慙睡起猶有花梢日在

送安伯弟

韓南澗

送君南浦對烟柳青青萬縷更滿眼殘紅次盡葉底
黃鸝自語甚動人多少離情樓頭水閣山無數記竹

東題詩花邊載酒魂斷江千春暮
都莫問功名事
白髮星星如許任鷄鳴起舞鄉關何在憑高目盡孤
鴻去漫留君住趁醅釀香煖持盃且醉瑤臺路相思
記取愁絕西窓夜雨

呂聖求

青樓春晚晝寂寂梳勻又懶恁聽得鴉啼鶯弄惹起
新愁無限記年時偷擲春心花間隔霧遙相見便角
枕題詩寶釵貫酒共醉青苔深苑
怎忘得回廊下
携手處花明月滿如今但暮雨蜂愁蝶恨小窓閑對
芭蕉展却誰拘管儘無言閑品箏箏淚滿參差鴈腰
肢漸小心與楊花共遠

飛雪滿群山

蔡仲道

冰結金壺寒生羅幙夜闌霜月侵門翠筠敲竹疎梅
弄影數聲鴈過南雲酒醒歌粲枕愴然猶有殘粧淚
痕繡被孤擁餘香未減猶是那時熏
長記得扁舟
尋舊約聽小窓風雨燈火黃昏錦裯纔展瓊籤報曙
寶釵又是輕分黯然攜手處倚朱箔愁凝黛顰夢回
雲散山遙水遠空斷魂

一寸金

上蜀
刺史

柳耆卿

井絡天開劍嶺橫雲控西夏地勝異錦里風光蚕市

繁華簇簇歌臺舞榭雅俗多將賞輕裘俊靚粧艷冶
當春晝摸石池邊浣花溪上景如畫 夢應三刀橋
名萬里中和政多暇仗漢節攬轡澄清高掩武侯勳
業文翁風化台鼎思賢久方鎮靜又還命駕空遺愛
兩蜀山川異日成佳話

周美成

州夾蒼崖下枕江山是城郭望海霞接日紅翻水面
晴風吹草青搖山脚波暖鳧鷖作沙痕退夜潮正落
踈林外一點炊煙渡口參差正寥廓 自嘆勞生經
年何事京華信漂泊念渚蒲汀柳空歸閑亭風輪雨
檝終辜前約情景牽心眼留連處利名易薄回頭謝
冶葉倡條便入漁釣樂

憶瑤姬

騎省之
悼也

史邦卿

嬌月籠烟下楚領春分兩朶湘雲花房漸密時弄杏
牋初會歌袖殷懃沉沉夜久西窓屢隔蘭燈慢影昏
自綵鸞飛入芳巢繡屏羅薦粉光新 十年未始輕
分念此飛花可憐柔脆銷春空餘雙淚眼到舊家時
節謾染愁巾神仙說道凌虛二夜相思玉樣人但起
來梅發窓前噉噓疑是君

五絲結同心

珠簾垂戶金索懸窓家接浣沙溪路相見桐陰下一
鈎月恰在鳳凰栖處素瓊然就宮腰小花枝裊盈盈
嬌步新粧淺滿腮紅雪綽約片雲欲度塵寰豈能
留住唯只愁化作綵雲飛去禪翼衫兒薄冰肌瑩輕
罩一團香霧彩牋巧綴相思苦脉脉動憐才心緒好
作今秦樓活計吹簫伴侶

為澗卿壽

趙彥端

人間塵斷雨外風回涼波自泛仙槎非郭還非竺閑
鶯燕時傍笑語清佳銅壺花漏長如線金鋪碎香煖
簷牙誰知道東園五畝種成國艷天葩
主人漢家

龍種正翩翩迥立雪紵烏紗歌舞承平舊園紅袖詩
興自寫春華未知三斗朝天去定何似鴻寶丹砂且
一醉朱顏相慶共看玉井浮花

杜常娘

杜壽域

暮春天氣鶯老燕子忙如織間嫩葉題詩哨梅小乍
遍水新萍圓碧初牡丹謝了秋千搭起垂楊暗鎖深
深陌暖風輕盡日閑把榆錢亂擲恨寂寂芳容衰
減頓欹玳枕困無力為少年狂蕩恩情薄尚未有歸
來消息想當初鳳侶鴛儔喚作平生更不輕離拆倚
朱扉淚眼滴損紅綃數尺

樂府雅詞

華堂深院霜籠月采生寒暈度翠幄風觸梅香噴漸
歲晚春光將近惹離恨萬種多情易感歡難聚少愁
成陣擁紅爐鳳枕慵欹銀燈挑盡 當此際爭忍前
期後約度歲無憑準對好景空積相思恨但自覺厭
厭方寸擬蠻牋象管丹青妙手寫出寄與伊教信儘
千工萬巧唯有心期難問

綠意

荷花

碧圓自潔向淺洲遠浦亭亭清絕猶有遺簪不展秋
心能倦幾多炎熱鴛鴦密語同傾蓋且莫與浣沙人

說怨歌忽斷花風碎却翠雲千疊 四省當年漢舞
怕飛去謾縞留仙裙摺戀戀青衫猶染枯香還笑鬢
絲飄雪盤心清露如鉛水又一夜西風聽折喜爭看
匹練秋光倒瀉半湖明月

解珮環

彭元巽

元

江空不渡恨靡蕪杜若零落無數遠道荒寒婉婉流
年望望美人遲暮風煙雨雪陰晴晚更何須春風千
樹盡孤城落木蕭蕭日夜江聲流去 日晏山深聞
笛恐他年流落與子同賦事濶心違交淡媒勞蔓草
沾衣多露汀洲窈窕餘醒寐遺珮浮沉澧浦有白漚

淡月微波寄語逍遙容與

罨馬索

曉窓明庭外寒梅向殘月吳溪庾嶺一枝偷把陽和
洩冰姿素艷自然天賦品格真香殊常別柰北人不
識南枝喚作臘前杏先發 奇絕照溪臨水素禽飛
下玉羽瓊芳鬪清潔懊恨春工來何晚傷憐媚眉先
折多情立馬待得黃昏踈影斜斜微酸結恨馬融一
聲羌笛起處紛紛落如雪

擊梧桐

別西湖
社友

李珣

元

楓葉濃於染秋正老江上征衫寒淺又是秦鴻過霽

烟外寫出離愁幾點年來歲去朝生暮落人似吳潮
展轉怕聽陽關曲柰短笛喚起天涯情遠 隻屐行
春扁舟嘯晚憶着鷗湖鶯苑 着梅花屋雪月後記
把山扉牢掩惆悵明朝何處故人相望但碧雲半斂
定蘇堤重來時候芳草如剪

李景元

杳杳春江濶收細雨風颭波聲無歇鴈去汀洲暖岸
蕪靜翠染遙山一抹群鷗聚散征航來去隔水相望
楚越對此凝情久念往歲上國嬉遊時節 闔草園
林賣花巷陌觸處風光奇絕正恁濃歡裏悄不意頓

有天涯離別看即梅生翠實柳飄狂絮沒箇人共折
把而今愁煩滋味教向誰說

八寶粧

門掩黃昏畫堂人寂暮雨乍收殘暑簾捲踈星庭戶
悄隱隱嚴城鐘鼓空街煙暝半開斜月朦朧銀河澄
淡風淒楚還是鳳樓人遠桃源無路 惆悵夜久星
繁碧雲望斷玉簫聲在何處念誰伴菡萏裙翠袖共携
手瑤臺歸去對修行森森院宇曲屏香暖凝沉炷問
對酒當歌情懷記得劉郎否

大聖樂

初夏

康伯可

千朵奇峯半軒微雨曉來初過漸燕子引教雛飛舊
菡暗薰芳草池面涼多淺斟瓊卮浮綠醞展湘簾雙
紋生細波輕紈舉動圓團素月仙桂婆娑 臨風對
月恣樂便好把千金邀艷娥幸太平無事擊壤鼓腹
携酒高歌富貴安居功名天賦爭奈皆由時命呵休
眉鎖問朱顏去了還更來麼

陶成之生日

蔣勝欲

笙月涼邊翠翹雙舞壽仙曲破更聽得艷拍流星慢
唱壽詞初了群唱蓮歌玉翁樓中披鶴氅展一笑微
微紅透渦襟懷好縱炎官駐散長是春和 千年鼻

祖事業記曾越雷聲飛快梭但也曾三徑撫松採菊
隨分吟哦富貴浮雲榮華風過淡處還他滋味多休
辭餘有碧荷貯酒深似金荷

風流子

春初

少游

東風吹碧草年華換行客老滄洲見梅吐舊英柳擺
新綠惱人春色還上枝頭寸心亂北隨雲黯黯東逐
水悠悠斜日半山暝烟兩岸數聲橫笛一葉扁舟青
門同携手前歡記渾似夢裏揚州誰念斷腸南陌
回首西樓美天長地久有時有盡奈何綿綿此恨無
休擬待倩人說與生怕伊愁

秋思

張文潜

亭臯木葉下重陽近又是搗衣秋柰愁入庾腸老侵
潘鬢謾簪黃菊花也應羞楚天晚白蘋烟盡處紅蓼
水邊頭芳草有情夕陽無語鴈橫南浦人倚西樓
玉容知安否香箋共錦字兩處悠悠空恨碧雲離合
青鳥沉浮向風前懊惱芳心一點寸眉兩葉禁甚閑
愁情到不堪言處分付東流

秋怨

周美成

楓林凋晚葉關河迫楚客慘將歸望一川暝靄鴈聲
哀怨半規涼月人影參差酒醒後淚花銷鳳蠟風幕

捲金泥斫杵韻高喚回殘夢綺羅香減牽起餘悲
亭臯分襟地難拚處偏是掩面牽衣何況愁懷長結
重見無期想寄恨書中銀鈎空滿斷腸聲裏玉筋還
垂多少暗愁密意惟有天知

風情

前人

新綠小池塘風簾動碎影舞斜陽羨金屋去來舊時
巢燕土花繚繞前度莓牆繡閣鳳幃深幾許聽得理
絲簧欲說又休慮乖芳信未歌先咽愁近清觴 遙
知新粧了開朱戶應自待月西廂最苦夢魂今宵不
到伊行問甚時說與佳音密耗寄將秦鏡偷換韓香
天便教人霎時厮見何妨

雅詞

淑景皇州滿和風漸催促柳花飛過清明驟雨五侯
臺榭散入青煙新火開時繡簾外傍人飛燕子映葉
語黃鸝鞦韆晝永綺羅人散笑隔花陰紅粉墻低
青鳥多行樂尋芳處何計強逐輕肥空對舊遊滿目
誰共開眉遇有時繫馬垂楊影下佇立風前惆悵佳
期回望故園桃李應待人歸

和魏桐城

相山

扁舟南浦岸分携處鳴珮憶珊珊見十五里長堤數

聲啼鳩至今清淚衿袖爛斑誰信道沈腰成瘦損潘
鬢就衰殘謾把酒臨風看花對月不言柱笏無緒憑
欄相逢還相感但疑情秋水送恨春山應念馬催
行色泥濺征衫况芳菲將過紅英婉婉追隨正樂黃
鳥間關爭得此心無着渾似雲閑

和楚客維揚燈夕

方秋崖

小樓簾不捲花正開燈火競元宵想舊日何即飛金
叵羅三生杜牧醉童嬌姣香塵路雲髻鴛髻鬢月襯
馬蹄驕彷彿神仙劉安鷄犬分明富貴子晉笙簫
人生行樂爾君不見迷樓春綠迢迢二十四經行處


舊月今橋但索笑梅花酒消新雪縱情詩草筆捲春
潮俯仰人間陳迹莫惜金貂

燕山驛壁間詞

吳激庚溪詩話

書劍憶游梁當時事低處不堪傷念爾名嫩葉向吳
南浦杏花微雨窺宋東牆鳳城外燕隨青步障絲惹
紫游韉曲水古今禁煙前後暮雲樓閣春草池塘
回首斷人腸年芳但如霧鏡髮已成霜獨有蟻尊陶
寫蝶夢悠颺聽出塞琵琶風沙新澀寄書鴻雁烟月
微茫不似海門潮信猶到潯陽

史達祖



原件短缺

紅樓橫落日蕭郎去幾度碧雲飛記窓眼透香玉臺
粧罷馬蹄敲月沙路人歸如今但流鶯通信息雙燕
說相思入耳舊歌怕聽琴絳斷腸新句羞染烏絲
相逢南溪上桃花嫩嬌樣淺澹羅衣恰是怨深腮赤
愁重聲邊悵東風巷陌草迷春恨軟塵庭戶花誤幽
期多少寄來芳字都待還伊

憶別

方千里

河梁携手別臨岐語共約踏青歸自雙燕再來斷無
音信海棠開了還又參差料此際笑隨花便面醉騁
錦障泥不憶故園粉愁香怨忍教華屋綠慘紅悲

碧迷煙霧惟見廣寒門外青無重數不知是水不
知是山是樹漫漫知是何處倩誰問凌波輕步謾凝
睇乘鸞秦女想庭曲霓裳正舞莫須長笛吹愁去怕
喚起魚龍三更噴作前山雨

疎影

仙呂
宮

姜堯章

苔枝綴玉有翠禽小小枝上同宿客裏相逢籬角黃
昏無言自倚脩竹昭君不慣胡沙遠但暗憶江南江
北想珮環月夜歸來化作此花幽獨猶記深宮舊
事那人正睡裏飛近蛾綠莫侶春風不管盈盈早與
安排金屋還教一片隨波去又却怨玉龍哀曲等恁

時重覓幽香已入小窓橫幅

梅影

張叔夏

黃昏片月似滿地碎陰還更清絕枝北枝南疑有疑
無幾度燈前難折依稀倩女離魂處緩步出前村時
節看夜深竹橫斜應如過雲明滅 窺鏡娥眉淡掃
為容不在貌獨抱孤絜莫是花光插取春痕不怕麗
譙吹徹還驚海上燃犀去照水底珊瑚如活做弄得
酒醉天寒空對一庭香雪

霜葉飛

秋夜

周美成

露迷衰草疎星掛涼蟾低下林表素娥青女鬪嬋娟
正倍添悽悄漸颯颯丹楓撼曉橫天雲浪魚鱗小
皓月相看又透入清輝半餉特地留照 迢遞望極
關山波穿千里度日如歲難到鳳樓今夜聽西風柰
五更愁抱想玉匣哀絃閉了無心重理相思調念故
人牽離恨屏掩孤顰淚流多少

沈唐

霜林凋晚危樓迥登臨無限秋思望中間想洞庭波
面亂紅初墜更蕭索風吹渭水長安飛舞千門裏變
景摧芳榭唯有蘭衰暮叢菊殘餘蘂 念花滿堂時
自美人一去鎮掩香閨經歲又觀珠露碎點蒼苔敗

梧飄砌謾贏得相思淚眼東君早作歸來計便莫惜
丹青手重與芳菲萬紅千翠

故宮秋晚餘芳盡輕陰閑淡池閣鳳泥銀暗玳紋花
卷斷腸簾幕漸砌菊遺金謝却芙蓉纔共清霜約半
弄蘂冰綃波淺拂胭脂翠瓊連並彫萼應是曾倚
東君縱艷姿輕盈映損丹杏紅藥旋成深妬判與西
風任從開落况衰晚淵明意薄重陽羞對吟酌待說
與江梅早傳粉勻香慰伊蕭索

過秦樓

周美成

水浴清蟾葉喧涼吹巷陌馬聲初斷閑依露井笑撲
流螢惹破畫羅輕扇人靜夜久凭欄愁不歸眠立殘
更箭嘆年華一瞬人今千里夢沉書遠空見說鬢
怯瓊梳容銷金鏡漸懶趁時勻染梅風地溽紅雨苔
滋一架舞紅都變誰信無慘為伊才減江淹情傷荀
禧但明河影下還看稀星數點

春晚

李景元

賣酒墟邊尋芳原上亂花飛絮悠悠已蝶稀鶯散便
擬把長繩繫日無由謾道草忘憂也徒將酒解閑愁
正江南春盡行人千里蘋滿汀洲有翠紅徑裏盈

盈侶簇芳茵，飲時笑時謳。當暖風、遲景任相將。永日爛熳，狂遊誰信，盛狂中有離情。忽到心頭，向尊前擬問雙燕來時，曾過秦樓。

江神子慢

呂聖求

新枝媚斜日，花徑霽晚碧。汎紅滴近寒食。蜂蝶亂點，檢一城春色。倦游客、門外昏鴉啼。夢被春心似遊絲，飛遠碧燕子，又語斜簷行雲自沒消息。當時烏絲夜語約桃花時候，同醉瑤瑟甚端的。看看是花飛擲。怎忘得斜倚紅樓，回淚眼天如水。沉沉連翠壁。想伊不整啼妝，影簾側。

瑞香

蔡伯堅

紫雲點楓葉，崖樹小婆娑。歲寒節占高潔，纖苞煖釀出。梅魂蘭魄，照濃碧茗盃，添春花氣。重雲窈窕，晚濛濛浮霽月。小眠鼻觀先通。廬山舊夢清絕。蕭閑平生淡泊，獨芳溫一念，猶未衰歇。種種陳迹而今老，但覓茶煙禪榻，寄閑寂。風外天花無夢也。鴛鴦債從渠，千萬劫夜寒，回施幽香與春愁客。

閩嬋娟

張炎

舊家池館尋芳處，從教飛燕頻繞。一灣柳護水房春。看鏡奩窺曉，暈宿粉雙蛾淡掃。羅襦飄帶腰圍小。盡

醉方歸去又暗約明朝闔草誰解先到
心緒亂若晴絲那回遊處墜紅爭戀斜照
近來歡事漸無多尚被鶯聲惱便白髮
如今縱少情懷不似前時好謾重省
燕臺句愁極還醒背花一笑

慢捲綉

相思

柳耆卿

閒窓燭暗孤幃夜永欹枕難成寐細屈指尋思舊事
前歡都來未盡平生深意到得如今萬般追悔空祇
添憔悴對好景良宵皺着眉兒成甚滋味
紅茵翠被當時事一一堪垂淚怎生得依前似恁
偎香倚暖抱着日高猶睡笑得伊家也應隨分煩惱
心兒裏又

爭似從前澹澹相看免恁縈繫

李景元

絕羽沉鱗埋香葬玉杳杳悲前事對一盞寒燈數點
沉螢悄悄畫屏巫山十二瞬臉星眸蕙情蘭性一旦
成流水便縱有甘泉妙手洪都方士何濟
香閨寶砌臨粧處迤邐苔痕翠更不忍看伊繡殘鴛侶而今
尚有啼紅粉漬好夢不來斷雲飛去黯黯情無際謾
飲盡香醪柰向愁腸消遣無計

女冠子

元夕

蔣勝欲

蕙花香也雪晴池館如畫春風飛到寶釵樓上一片

笙簫琉璃光射而今鐙謾掛不是暗塵明月那時元
夜况年來心嬾意怯羞與蛾兒爭耍 江城人悄初
更打問繁華誰解再向天公借別殘紅地但夢裏隱
隱鈿車羅帕吳牋銀粉呀待把舊家風景寫成閒話
笑綠鬟鄰女倚窓猶唱夕陽西下

二

電旂飛舞雙龍還又爭渡湘灘雲外獨醒何在翠筠
紅蘅芳菲如故深衷全未悟不似素車白馬卷潮起
怒但悄然千載舊跡時有人來吊古 生平慣受椒
蘭苦甚魄沉寒波更被饒蛟妬結瓊紉珞料貝闕隱
隱騎鯨烟霧楚妃花倚 暮暮玉簫吹了泝波同步
待月明洲渚小留旌節朗吟騷賦

上元

李漢老

帝城三五燈光花市盈路天街遊處此時方信鳳闕
都民奢華豪富紗籠綵過處喝道轉身一壁小來且
任見許多才子艷質携手並肩低語 東來西住誰
家女買玉梅爭戴緩步香風度北觀南顧見畫燭影
裏神仙無數引人魂似醉不如趁早步月歸去這一
雙情眼怎生禁得許多胡覷

柳耆卿

斷煙殘雨洒微涼生軒戶動清籟蕭蕭庭樹銀河濃
淡華星明滅輕雲時度莎堦寂靜無覩幽蛩切切秋
吟苦踈篁一徑流螢幾點飛來又去對月臨風空
恁無眠耿耿暗想舊日牽情處綺羅叢裡有人人那
回飲散畧畧曾諧鴛侶因循忍便睽阻相思不得長
相聚好天良夜無端惹起千愁萬緒

二

淡煙飄薄鶯花謝清和院落樹陰翠密葉成幄麥秋
霽景夏雲忽變竒峯倚寥廓波暖銀塘漲新萍綠魚
躍想端憂多暇陳王是日嫩苔生閣正鑠石天高

流金晝永楚榭光風轉蕙披襟處波翻翠幕以文會
友沉李浮瓜忍輕諾別館清閑避炎蒸豈須河朔但
樽前隨分雅歌艷舞盡成歡樂

三

火雲初布遲遲永日炎暑濃陰高樹黃鸝葉底羽毛
學整方調嬌語薰風時漸動峻閣池塘菱荷爭吐畫
梁紫燕對對啣泥飛來又去西想佳期容易成辜負
共人人同上畫樓斟香醕恨花無主卧象床犀枕成
何情緒有時竟夢斷半窓殘月透簾穿戶去年今夜
扇兒搨我情人何處

雪景

周美成

同雲密布撒梨花柳絮飛舞樓臺
閣院宇深沉廣排筵會聽笙歌猶未徹
漸覺輕寒透簾穿戶亂飄僧舍密洒歌樓
酒帘如故想樵人山徑迷蹤路料漁人收
綸罷釣歸南浦路無伴侶見孤村寂寞招
颺酒旗斜處南軒孤鴈過嘒嘒聲聲人無
書度見臘梅枝上嫩蕊兩兩三三微吐

壽星明

慶黃宰秩滿

梅亭

玉露迎寒金風薦冷正蘭桂香覺秋光
過半日臨三九葱葱佳氣靄靄琴堂見說
當年申生穀旦夢叶長

庚天降祥文章伯英聲早着騰踏飛黃
雙鳧暫駐東陽已種得春陰千種棠有無
邊風月幾多事業安排青瑣入與平章百
里民歌一樽春酒爭勸殷勤稱壽觴願此
去龜齡難老長侍君王

離別難

柳耆卿

花謝水流倏忽嗟年少光陰有天然蕙質
蘭心美韶容何啻直千金便因其翠弱紅
衰纏綿香體都不勝任箕神仙五色靈丹
無驗中路委瓶簪人悄悄夜沉沉閉香閨
永棄鴛衾想嬌魂媚魄非遠縱洪都方士
也難尋最苦是好景良天尊前歌笑空想
遺音望

斷處杳杳巫山十二千古暮雲深

透碧霄

柳耆卿

日華邊萬年芳樹起祥煙帝居壯麗皇家熙盛寶運
當千端門清晝觚稜照日雙闕中天太平時朝野多
歡徧錦街香陌鈞天歌吹閭苑神仙昔觀光得意
狂遊風景再覩更精妍柳陰尋花徑空恁鞦韆垂
鞭樂遊雅戲平康艷質應也依然仗何人多謝嬋娟
道宦名蹤跡歌酒情懷不似當年

查菴

艤蘭舟十分端是載離愁練波送遠屏山遮斷此去

難留相從爭柰心期久要屢變霜秋嘆人生杳似萍
浮又翻成輕別都將深恨付與東流想斜陽影裏
寥烟明處雙槳去悠悠愛清梅幽香動須採掇倩纖
柔豔歌粲發誰傳餘韻來說仙遊念故人留此遐州
但春風老去秋月圓時獨倚江樓

選冠子

一名選武慢

張敏叔

嫩冰按藍遙堤影翠半雨半烟橋畔鳴禽弄舌夢草
繁心偏稱謝家池館紅粉墻頭步搖金縷纖柔舞腰
低軟被和風搭在闌干終日畫簾高捲春易老細
葉舒眉輕花吐絮漸覺綠陰成慢章臺繫馬灞水維

舟誰念鳳城人遠惆悵故國陽關五酒飄零惹人腸
斷恨青青客舍江頭風笛亂雲空晚

梅苑

庾嶺烟光江南風景冷落歲寒庭院疎林萬木凍折
孤根獨拒曉霜回暖萼點胭脂粉凝芳葉依稀幾枝
初綻上層樓月夜凭欄風送暗香清遠嗟徃昔漢
妃歸鷺新粧才飾艷絕人間金鈿東君信息造化工
夫却笑衆葩開晚若似芳菲訊速終與和羹鳳池仙
館願樓頭羗管休吹免使為花腸斷

蘇武慢

侯彥周

暗雨收梅晴波搖柳萬頃水精宮冷橋森畫棟岸列
紅樓兩岸翠簾交映天上行舟鑑中開戶人在蘂珠
仙境况吟烟嘯月彈絲吹竹太平歌詠人盡說銅
虎分賢銀潢儲秀鞏固行都藩屏棠陰散暑鼎篆凝
香永日一庭虛靜紅袖持觴綵牋揮翰適意酒豪詩
俊看飛雲丹詔行沙金勒待公歸觀

馮尊師

飯了從容消閑策杖野望有何憑伏帆歸遠浦鷺立
汀洲千樹好花微放芳草池塘錦江樓閣隱隱雲埋
青嶂向東郊極目天涯不見故人惆悵歸去也翠

麓崎嶇林巒掩映消遣晚來情況出禽巧語弱柳搖
金綠影小橋清響揮掃龍蛇領畧風光陶寫丹青吟
唱這雲山好景物外煙霞幾人能訪

二

返照迴光終焉活計何處可為依託凋零鄭圃竹塢
松溪林下勝遊行樂霞友雲朋水色山光幽隱煙蘿
巖壑更堂堂氣槩摩天一點浩然寥廓堪愛處蝶
戲花梢苔生石徑風細日高簾幕清虛噐量咀嚼乾
坤高邁市朝歡約踈葛寬裁瘦玉橫拖嘯傲東籬吟
酌把真情欲寫柰何塵世故人蕭索

三 歸閑

識破塵寰凡籠跳出飄蕩幸無拘束萍蹤自在雅操
孤高還若野雲麋鹿遇坎乘流混俗和光知止有何
榮辱恣陶陶海上人間不管歲華催促從此後筆
硯生塵蠅蝸絕念安分翠微雲屋般般放下事事都
休靜對小軒梅竹一味踈慵萬古淳風便是真常清
福任群情晝夜世俗奔波競爭蠻觸

四 得悟

夢斷槐宮倚天長嘯勘破物情今古擔簦映雪射虎
誅龍曾把少年身悞金谷繁華漢苑秦宮空有落花

飛絮嘆浮生終日忙忙誰肯死前回顧 争似我玉
塵清談金徽雅弄高卧洞天門戶逍遙畎肆任情
懷閑伴蓼汀鷗鷺收拾生涯紫蠟黃柑江上一簑煙
雨醉歸來依舊蘆花深處月明幽浦

五

堪嘆群情迷津宛轉飄蕩甚時休歇争頭競角抵死
漫生一向戀家貪業利鎖名韁慾浪恩山酒市花衢
顛蹙騁僂儼似蟻循環不念鬢華如雪 誰肯向大
朴林中無為鄉裏閑伴老聃莊列珠亡罔象夢斷華
胥高枕洞天日月三界廓然八表冲虛湛湛靈光通

徹這逍遙劫外妙哉真樂世間難說

六

過隙年光如毛塵事暗把物情移換浮生擾擾背覺
隨塵酒色利名縈絆憑君看取歷代英雄楚越周秦
唐漢謬遺留壞塚頽碑千古是非不斷 聞早悟碧
玉壺中白雲堆裏別有翠霞宮殿三天雅會五彩光
攢朝赴紫微瓊宴閭苑瑤池絳闕清都信任逍遙游
翫笑愚頑苦海販骨無休往來流轉

全真馮尊師本燕趙書生游汴遇異人得仙學所
賦歌曲高潔雄暢寂傳者蘇武慢二十篇前十篇
道遺世之樂後十篇論脩仙之事會稽費無隱獨
善歌之聞者有凌雲之思無復流連光景者矣予

山居每登高望遠則與無隱歌而和之無隱謂我
更作十篇居兩年得兩篇半後於湖上二三夕間
得七篇半每一篇成無隱即歌之馮尊師天外有
聞能乘風為我一來聽耶道園道人虞集記

虞集

歸去來兮昨非今是惆悵獨悲奚語迷途未遠晨景
熹微乃命僕夫先路風颺舟輕候門童稚此日再瞻
衡宇酒盈尊三徑雖荒松菊宛然如故聊寄傲與
世相違舊交俱息更復駕言焉取琴書情話尋壑經
丘倦鳥岫雲容與農人告我有事西疇孤擢賦詩春
雨但樂夫天命何疑乘化任渠留去

前人

雲淡風輕傍花隨柳將謂少年行樂高閣林間小車
城裏千古太平西洛瞻彼泱泱言思君子流水儼然
如昨但清遊天際輕陰未便暮愁離索長記得童
冠相隨浴沂歸去吟咏鳶飛魚躍逝者如斯吾衰甚
矣調理自存斟酌清廟朱絲舊堂金石隱几侶聞更
作農人告我有事西疇窈窕掛書牛角

楊太尉

碧眼連車黃頭間座望斷故人何處當時勝麗舊日
繁華都變虜言胡語萬里卸冤幾年埋恨仔細向誰
分訴對南風凝眸眺神旌觸目淚流如雨今幸會

電掃雷驅雲開霧斂一旦青天重覩桃林卧草華嶽
嘶風行逐太平周武洗盡腥膻巷陌從此追歡酒盃
頻舉任笙簫聲裡花朝月夕醉中歌舞

呂聖求

雨濕花房風斜燕子池閣晝長春晚檀盤戰象寶局
鋪碁籌畫未分還嬾誰念少年齒怯梅酸病踈霞盞
正青錢遮路綠絲明水倦尋歌扇空記得小閣題
名紅箋青製燈火夜深裁剪明眸似水妙語如弦不
覺曉霜鷄喚聞道近來箏譜慵看金鋪長掩瘦一枝
梅影回首江南路遠

惜餘春慢

春情

魯逸仲

弄月餘花團風輕絮露濕池塘春草鶯鶯戀友燕燕
將雛惆悵睡殘清曉還似初相見時携手旗亭酒香
梅小向登臨長是傷春滋味淚彈多少因甚却輕
許風流終非長久又說分飛煩惱羅衣瘦損綉被香
消那更亂紅如掃門外無窮路岐天若有情和天湏
老念高唐歸夢淒涼何處水流雲繞

王山枕

柳耆卿

驟雨新霽蕩原野清如洗漸霞散彩殘陽倒影天外
雲峯數朶相倚露莎烟萋滿池塘見次第幾番紅翠

當是時河朔飛觴避炎蒸想風流堪繼
晚來高樹清風起動簾幕生秋氣畫樓
畫寂蘭堂夜靜舞艷歌妹漸任羅綺
訟閑時泰足風情便爭柰雅惟都廢省
教成幾闕新歌盡新聲好尊前重理

洞庭春色

絳萼欺寒暗傳春信一枝乍芳向籬邊
竹外前村雪裏青梢猶瘦疎影溪傍惹
露和煙凝酥艷似瀟灑玉人初試粧
江南路有多情竚立迴盡柔腸倚樓最
難忘處正皓月千里流光縱廣平心勁
難思麗句少陵詩興猶愛清香休怪東
君先留意問他日和羹誰

又強還輕許笑凌空檜影松蔭交相

程正伯

錦字親裁淚巾偷裛細說舊時記笑桃
門巷粧窺寶靨弄花庭榭香濕羅衣幾
度相隨游冶去任月細風尖猶未歸多
少事有垂楊眼見紅燭心知如今事都
過也但瀛得雙鬢成絲歎半粧紅豈相
思有分兩分青鏡重合難期惆悵一春
飛絮夢悠揚教人分付誰銷魂處又梨
花雨暗半掩重扉

陸務觀

壯歲文章暮年勲業自昔誤人笑英雄
成敗軒裳得

失難如人意空喪天真請看邯鄲當日夢待炊罷黃
梁徐欠伸方知道許多時富貴何處闕身 人間定
無可意怎換得玉繪絲尊且釣竿漁艇筆床茶竈閑
聽荷雨一洗衣塵洛水秦關千古後尚棘暗銅駝空
愴神何須更慕封侯定遠圖像麒麟

丹鳳吟

春恨

周美成

迤邐春光無賴翠藻翻池黃蜂游閣朝來風暴飛絮
亂投簾幙生憎暮景倚牆臨岸杏靨天邪榆錢輕薄
晝永思惟傍枕睡起無慘殘照猶在庭角 况是別
離氣味坐來便覺心緒惡痛引澆愁酒柰愁濃如酒
手問何時重握此時此意長怕人道着

沁園春

山谷

把我身心為伊煩惱笑天便知恨一回相見百方做
計未能猥倚早覓東西鏡裏拈花水中捉月覩着無
由得近伊添憔悴鎮花銷翠減玉瘦香肌奴兒又有
行期你去即無妨 我共誰向眼前常見心猶未足
怎生禁得真箇分離地角天涯我隨君去掘井為盟
無改移君須是做些兒相度莫待臨時

春情

少游

宿靄迷空膩雲籠日晝景漸長正蘭泥膏潤誰家燕
喜蜜脾香少觸處蜂忙盡日無人簾幕挂更風迺遊
絲時過墻微雨後有桃愁杏怨紅淚淋浪風流寸
心易感但依依竚立回盡柔腸念小奩瑤鑑重勻絳
蠟玉籠金斗時懣沉香柳下相將遊冶處便回首青
樓成異鄉相憶事縱蠻牋萬疊難寫微茫

次強雲卿韻

蔣勝欲

結筭平生風流債負請一筆勾蓋攻性之兵花園錦
陣毒身之鳩笑齒歌喉豈識吾儒道中樂地絕勝珠
簾十里樓迷因底嘆晴乾不去待雨淋頭休休着

甚來由硬鉄漢從來氣食牛只有千篇好詩好曲都
無半點閑悶閑愁自古嬌波溺人多矣試問還能溺
我否高臺眼看牽絲傀儡誰弄誰收

蘆川

歌枕深軒散帙虛堂畏景屢移漸披襟臨水搯床就
月蓮香拂面竹色侵衣壓玉為醪折荷當醜卧看河
潢星四垂人歸去飢蟬自嘯宿鳥相依痴兒莫道
危機悟三十九年都盡非任紆朱拖紫圍金珮玉青
錢流地白壁如坻富貴浮雲身名零露事事無心歸
便歸秋風動正吳松月冷蓴長鱸肥

別恨

陸務觀

一別秦樓轉眼新春又近放燈憶盈盈倩笑纖纖柔
握雪香花語玉暖酥凝念遠愁腸傷春病思自怪平
生殊未會君知否漸香消蜀錦淚漬吳綾難求繫
日長繩况倦客飄零少舊朋但江郊鴈起漁村笛怨
寒缸委燼孤硯生冰水圍山繞烟昏雲慘縱有高臺
常怯登消魂處是魚箋不到蘭夢無憑

退閑

辛幼安

三徑初成鶴怨猿驚稼軒未來甚雲山自許平生意
氣衣冠人笑抵死塵埃意倦須還身閑要早豈為尊
羹鱸膾哉秋江上看驚弦鴈避駭浪船回東崗更
葺茅齋好都把軒窓臨水開要小舟行釣先應種柳
疎籬護竹莫礙觀梅秋菊堪餐春蘭可佩留待先生
手自栽沉吟久怕君恩未許此意徘徊

壽淮東帥

洪遵

飲馬咸池摠轡崑崙橫驚九州慶中興機會天生山
甫非常事業天授留侯左搏龍蛇右馴虎兕萬里中
原談笑收功名早便貂蟬獵獵飛去兜牟新昨無
限歡謳盡賣劔賣刀歸買牛正麥搖蕪吹黃迷斷壠
秧涵朝雨綠遍平疇眼底太平不圖再見羅拜焚香

青海頭從今去願君王萬歲元帥千秋

自適

嚴少魯

曰歸去來歸去來兮吾將安歸但有東籬菊有西園
桂有南溪月有北山薇蜂則有房魚還有穴蟻有樓
臺獸有衣吾應有雲中舊隱竹裏柴扉 人閒征路
熹微看處處丹想白露晞况寒原衰草牛羊來下淡
煙秋水鱸鰕初肥自笑平生頽然骨相只合持竿坐
釣磯都休也對西風無語落日斜暉

贈孫季蕃

劉潛夫

歲莫天寒一見飄然幅巾布裘儘侵雲鳥道躋攀絕

頂拍天鯨浸笑傲中流疇昔期君紫髯鐵面生子當
如孫仲謀誰知道到中年猶未建節封侯 南來萬
里何求因感慨喬公成遠遊悵名姬駿馬都如昨夢
隻鷄斗酒難到新丘天地無情功名有數千古英雄
只麼休平生容獨羊曇一箇淚洒西州

和劉潛夫送孫花翁韻

劉叔安

誰似花翁長年湖海蹇驢癸衰想紅塵醉帽青樓歌
扇揮金談笑惜玉風流吳下阿蒙江南老賀肯為良
田二頃謀人間世笑到頭一夢螻蟻王侯 悠悠吾
道何求况白首相逢說舊游記踈風淡月寒燈古寺

平章詩境分付糟丘聚散搏沙炎涼轉燭歸去來兮
萬事休無何有問從前那箇騎鶴揚州

和任子嚴避暑

趙介之

雨接梅霖風祛槐暑麥天已秋正榴燃紅炬枝頭色
艷荷翻綠蓋池面香浮心景俱清身名何有且向忙
中早轉頭塵勞事枉朝思夕計細慮深謀悠悠不
復徼求但安分隨緣休便休縱官居極品徒為美玩
家稱鉅富未免閑愁遇酒開顏逢懽樂意有似木人
騎土牛從他笑看一朝解悟人極遨遊

迎方右史德潤

王實之

首尾四年臺省好官都做一回便前頭更有合當做
底何妨且恁猛省歸來甲第新成開尊行樂脆管繁
絃十二欵回頭笑這狂生無用削盡官階狂生真
箇狂哉潑性氣年來全未灰有龍鱗鳳翼不能攀附
牛衣漁具早已安排爛煮園蔬熟煨山芋白髮蒼顏
窮秀才官休做莫狂無處着送去瓊崖

西岩三澗

劉坵父

雲壑泉泓小者如盃大者如罌更石筵平瑩寬容數
客淙流回激環遶飛觥三澗交流兩岸懸瀑擣雪飛
霜落翠屏經行處有丹莢碧草古木蒼藤裴回却

倚山極笑山水娛人若有情見傍回側轉峯峦疊疊
欲窮還有岩谷層層仰視雲間茅茨雞犬疑有仙家
來避秦青林表望煙霞縹緲隱隱鳶笙

自題方壺

汪莘

春至傷春秋至悲秋誰在華胥嘆謫仙才氣飛揚跋
扈淵明何事慷慨歎自我少年如今晚景行半人
間真有餘都休問且一觴一詠吾愛吾廬南臯境
界何如舍明月清風誰與居望蓬山路杳萬株翠檜
方壺門掩四面紅蕖中有佳人綽如姑射一炷清香
滿太虛塵寰外任鳴鑿報客飛鶴傳書

程端明序曰叔耕蘊霞棧王滴之奇思出天表蓄而不試憂深思遠未易遽班之賀白也

子規

方岳

儘為春愁儘勸春歸直恁恨深况雨急黃昏寒欺客
路月明夜半人夢家林店舍無烟楚鄉寒食一片花
飛那可禁空疑佇黯紅鳶翠老江樹陰陰汀洲杜
若誰尋想朝鶴怨兮猿夜吟甚連天芳草凄迷離恨
拂簾香絮撩亂深心汝亦知乎吾今倦矣甕有餘春
可共斟歸來也問淵明而後誰是知音

壽宋通判

祝和父

自有東陽錦水城山幾千百年記往時僅說擁麾刻

郡而今創見持橐井泉地脉方興天荒欲破還為盪
梅生鉅賢清和候正風薰日永作地行仙 題輿小
駐樵川常只恐祖生先着鞭箕誰從井落重新疆理
誰從襄峴一洗腥膻幕府歸來未應袖手行有詔書
來九天勲名就使吾鄉夸詫盛事流傳

寄辛稼軒承旨

劉過 吹劍錄

斗酒彘肩風雨渡江豈不快哉被香山居士與林和
靖約東坡老勒駕予回坡謂西湖正如西子淡粧濃
抹臨照臺二公者皆掉頭不顧只恁傳杯 白雲天
竺去來看金壁崔嵬樓觀開况一澗縈迂東西水遠

兩山南北高下雲堆逋曰不然暗香浮動何似孤山
先放梅須晴去訪稼軒未晚且此徘徊

廬陵劉過以詩鳴江西厄于常布放浪吳楚客食
諸侯嘉太間來臨安時辛弃疾帥越遣介招之適
以事不及行作書歸輅者因效辛休作此詞寄之
辛得之大喜其逼真致饒數百千竟邀之去館燕
彌月賚贈壺壺改之竟蕩于酒不問也嘗自以此
詞語相臺岳珂欣然有得色珂曰詞語固佳恨無
刀圭藥療君白日見鬼
症耳一座為之軒渠

二指

輟耕錄

銷薄春冰碾輕寒玉漸長漸變見鳳鞵泥汗偎人強
剔龍涎香斷撥火輕翻學撫瑤琴時時欲剪更掬水
魚鱗波底寒纖柔處試摘花香滿鏤棗成斑 時將

粉淚偷彈記縮玉曾教柳傳看笑恩情相著搔便玉
體歸期暗數畫徧闌干每到相思沉吟靜處斜倚朱
唇皓齒間風流甚把仙郎暗插莫放春閑

三

洛浦凌波為誰微步輕塵暗生記踏花芳徑亂紅不
損步苔齒砌嫩綠無痕襯玉羅慳銷金樣窄載不起
盈盈一段春嬉游倦笑教人款捻微褪些根 有時
自度歌聲悄不覺微尖點拍頻憶金蓮移換文鴛得
侶繡茵催袞舞鳳輕分懊恨深遮牽情半露出沒風
前煙縷裙知何似似一鈎新月淺碧籠雲

眉

邵亨貞

巧鬪彎環纖凝嫵媚明裝未收似江亭曉玩遥山拂
翠宮簾暮捲新月橫鈎掃黛嫌濃塗鉛訝淺能畫張
郎不自由傷春倦為皺多無力翻做嬌羞 填來不
滿橫秋料着得人間多少愁記魚箋緘啓背人偷歛
鴈鈿膠併運指輕揉有喜先占長顰難效柳葉輕黃
金在否雙尖鎖試臨鵲一展依舊風流

目

漆點填睡鳳稍侵鬢天然後生記隔花瞥見踈星炯
炯倚闌凝注止水盈盈端正窺簾膏騰並枕睥睨檀

即長是青端相久待嫣然一笑密意將成 困酣曾
被鶯驚強臨鏡按抄猶未醒憶帳中親見似嫌羅密
尊前相顧翻怕燈明醉後看承歌闌闌弄幾度孜孜
頻送情難忘處是絞綃搵透別淚雙零

晁以道侍郎生日

王千秋

豈尅嬌春桐花羞暖物華漸嘉也不須鶯怨桃封絳
萼也不須蜂恨蘭釀金芽料是東君都將和氣分付
清豐詩禮家 克間慶有青氈事業丹鳳才華 乘
槎早上雲霞侍祠甘泉瞻羽車試笑憑熊軾嘉禾合
穗進司魚鑰函苗駢花蕭冠勳名龔黃模樣入拜行

趨堤上沙今宵裡且觥船滿掉醉帽歌斜

挽徐元杰

國學生

三學上書冤乎天哉哲人已瘞自綱常一疏為時太
息典刑諸老盡力扶持方哭南床繼傷右揆死到先
生事可哀傷心處笑寒梅冷落血淚淋漓 人心公
論難欺願君父明明悟此機昔九齡疏諫祿山必叛
更生累奏王氏為危變起范陽禍成新室說着當年
人噬臍君知否但皇天祚宋此事無之

王炎午

又是年時杏紅欲臉柳綠初芽柰尋春步遠馬嘶湖

曲賣花聲過人唱。牕紗暖日晴烟輕。衣羅扇看遍王
孫七寶車。誰知道十年。萬夢風雨天涯。休休何必
傷嗟。謾贏得青青兩鬢華。且不知門外桃花何代。不知江
左燕子。誰家世事無情。天公有意。歲歲東風。歲歲花
拚一笑。且醒來盃酒。醉後盃茶。

呂洞賓

火宅牽纏夜去。明來早晚無休。奈今日不知明日事。
波波劫劫。有甚來由。人世風燈。草頭珠露。我見傷心
眼淚流。不堅久似石中迸。火水上浮漚。休休聞早
回頭。把往日風流。一筆勾。但麗衣淡飯。隨緣度日。任
人笑我。我又何求。限到頭來。不論貧富。着甚于忙日。
夜憂勸年少。把家緣棄了。海上來遊。

劉氏

我生不辰。逢此百罹。况乎亂離。奈惡因緣。到不夫不
主。被擒捉去。為妾為妻。父母公姑。弟兄姨妹。流落不
知東與西。心中事。把家書寫下。分付伊誰。越人北
向燕之。回首望鴈峯。天一涯。柰翠鬟雲軟。笠兒怎帶
柳腰春。細馬性難騎。缺月疎桐。淡煙衰草。對此如何
不淚垂。君知否。我生於何處。死亦冤歸。

梅磧詩話云。炎景丁丑。歲有過軍。挾一婦人。經從
長興和平酒庫前。題此詞云。後書鴈峯劉氏題。

輪臺子

柳耆卿

一枕清宵好夢可惜被鄰鷄喚覺忽忽策馬登途滿
目淡烟衰草前駘風觸鳴珂過霜林漸覺驚栖鳥冒
征塵遠况自古淒涼長安道行行又歷孤村楚天
闊望中未曉念勞生惜芳年壯歲離多歡少歎斷梗
難停暮雲漸杳但黯黯銷魂寸腸憑誰表恁驅驅何
時是了又爭似却返瑤京重買千金笑

梅花引

劉均國

千里月千山雪梅花正落寒時節一枝昂一枝藏清
香冷艷天賦與孤光孤光似被珠簾隔風度烟遮好

顏色粉垂垂玉纍纍先春挺秀不管百花知似霜
結與霜別莫使幽人容易折短檠邊矮窓前橫斜峭
影重疊闌嬋娟莫昏莫聽樓頭角只恐聽時零亂落
醉來看醒來看縈絆麗人瀟灑倚闌干

述懷

賀方回

縛虎手懸河口車如鷄棲馬如狗白綸巾撲黃塵不
知我輩可是蓬蒿人衰蘭送客咸陽道天若有情天
亦老作雷顛不用錢誰問旗亭美酒斗十千酌天
斗更為壽青鬢常青古無有笑嫣然舞翩翩當筵秦
女十五語如絃遺音能記秋風曲事去千年猶恨促

攬流光繫扶桑爭柰愁來一日却為長

朱雍

梅亭別梅亭別梅亭回首都如雪粉融融月濛濛江
上小車歸去小樓空當時曾傳新粧薄而今一任花
零落朝隨風暮隨風竹外孤根猶與幽徑通長相
憶無消息庾嶺沉沉雪暗碧玉痕驚對離情無柰水
遙天濶隔瓊城年來素袂香不滅此心無限憑誰說
夜綿綿路漫漫愁聽枕前吹徹笛聲寒

戲代李師周作

向子諲

花如頰眉如葉小時笑弄階前月最盈盈最惺惺閑

愁未識無計說深情十年空省春風面花落花開不
相見要相逢得相逢須信靈犀中自有心通同杯
勺同斟酌千愁一醉都忘却花陰邊柳陰邊幾回擬
待偷憐不成憐傷春玉瘦慵梳掠拋擲琵琶閑處着
莫猜疑莫嫌遲鴛鴦翡翠終是一雙飛

將進酒

高仲常

城下路淒風露今人犁田昔人墓岸頭沙帶蕪葭漫
漫昔時流水今人家黃埃赤日長安道倦客無漿馬
無草開函閉函閉千古如今不見一人閑六國
擾三秦掃初謂商山遺四老馳單車致緘書裂荷焚

芟接武曳長裾高陽真得盃中趣身到醉鄉安穩處
生忘形死忘名二豪侍側劉伶初未醒

紫萸香慢

姚雲文

近重陽偏多風雨絕憐此日暄明問秋香濃未待
客出西城政自羈懷多感怕荒臺高處更不勝情向
樽前又憶漉酒插花人只坐上已無老兵 悽情淺
醉還醒愁不肯與詩平記長楸走馬雕弓揜柳前事
休評紫萸一枝傳賜夢誰到漢家陵儘烏紗便隨風
去要天知道華髮如此星星歌罷涕零

八歸

湖中送
胡德華

姜夔

芳蓮墜粉踈桐吹綠庭院暗雨乍歇無端抱影銷魂
處還見篠牆螢暗蘚階蛩切送客重尋西去路問水
面琵琶誰撥最可惜一片江山揔付與啼鴉 長恨
相從未款而今何事又對西風離別渚寒烟淡棹移
人遠縹緲行舟如葉想文君望久倚竹愁生步羅韞
歸來後翠尊雙飲下了珠簾玲瓏閑看月

史達祖

秋江帶雨寒沙紫水人看畫閣愁獨烟篆散響驚詩
思還被亂鷗飛去繡句難續冷眼盡歸圖畫上認隔
岸微茫雲屋想半屬魚市樵村欲暮競燒竹 須信

風流未老憑誰持酒慰此凄凉心目一鞭南陌幾篙
官渡賴有歌眉舒綠只忽忽眺遠早覺閑愁挂喬木
應難禁故人天際望徹淮山相思無鴈足

宣清

憶舊

柳耆卿

殘月朦朧小宴闌珊歸來輕寒凜凜背銀缸孤館乍
眠擁重衾醉魄猶噤來漏頻傳前懽已去離愁一枕
暗尋思舊追遊神京風物如錦念擲果朋儕絕纓
宴會當時曾痛飲命舞燕翩翩歌珠貫串向玳筵前
盡是神仙流品至更闌踈狂轉甚更相將鳳帟鴛寢
玉釵亂橫任散盡高陽這歡娛甚時重恁

賀新郎

春情

李王

篆縷銷金鼎醉沉沉庭陰轉午畫堂人靜芳草王孫
知何處惟有楊花糝徑漸玉枕騰騰春醒簾外殘紅
春已透鎮無聊殢酒厭厭病雲鬢亂未快整江南
舊事休重省遍天涯尋消問息斷鴻難倩月滿西樓
憑欄久依舊歸期未定又只恐銜沉金井嘶騎不來
銀燭暗枉教人立盡梧桐影誰伴我對鸞鏡

子瞻

乳燕飛華屋悄無人槐陰轉午晚涼新浴手弄生綃
白團扇扇手一時似玉漸困倚孤眠清熟簾外誰來

推綉戶枉教人夢斷瑤臺曲又却是風敲竹
半吐紅巾蹙待浮花浪粼都盡伴君幽獨穠艷一枝
細看取芳心千重似束又恐被秋風驚綠若傳得君
來向此花前對酒不忍觸共粉淚兩款款

耆舊續聞云陸辰州云此詞後懶用榴花事晁以道家有東坡真跡晁云東坡有妾名朝雲榴花朝雲死于嶺外惟榴花獨存觀浮花浪粼都盡伴君幽獨可見矣近觀顧景蕃續註因悟白開扇瑤臺曲皆待妾故事東坡用此乃知辰州得榴花事於晁氏為不妄古今詞話以為東坡為抗妓秀蘭作詞名賀新涼苕溪辨其非猶未及此因載之

夏意

葉夢得

睡起流鶯語掩蒼苔房櫳向曉亂紅無數吹盡殘花

無人問惟有垂楊自舞漸暖霽初回輕暑寶扇重尋
明月影暗塵侵尚有乘鸞女鷲舊恨鎮如許江南
夢斷衡臯渚浪粘天蒲萄漲綠半空煙雨無限樓前
滄波意誰採蘋花寄取但悵望蘭舟容與萬里雲帆
何時到送孤鴻目斷千山阻誰為我唱金縷

送胡澹庵

張仲宗

憂繞神州路恨西風連營畫角故宮離黍底事崑崙
傾砥柱九地黄滾亂注聚萬落千村狐兔天意從來
高難問况人情易老悲如訴更南浦送君去凉生
暗柳催殘暑耿斜河踈星澹月淡雲微度萬里江山

知何處回首對床夜雨鴈不到書成誰與目盡青天
懷今古肯見曹恩怨相爾汝舉太白聽金縷

別弟

辛幼安

綠樹聽鶉鳩更那堪鷓鴣聲住杜鵑聲切啼到春歸
無尋處苦恨芳菲都歇美未抵人間離別馬上琵琶
關塞黑更長門翠輦辭金闕看燕燕送歸妾將軍
百戰身名烈向河梁回頭萬里故人長絕易水蕭蕭
西風冷滿座衣冠似雪正壯士悲歌未徹啼鳥還知
如許恨料不啼清淚長啼血誰共我醉明月

贈鄉人朱唐卿

劉龍洲

多病劉郎瘦最傷心天寒歲晚客他鄉久大舸翩翩
何許至元是高陽舊友便一笑相歡携手與問武昌
城下月又何如楊子江頭柳追往事兩眉皺 燭花
自剪明如晝喚青娥小紅樓上殷勤勸酒昵昵琵琶
恩怨語春筍輕籠翠袖看舞徹金釵微潘若見故鄉
吾父老道長安市上強如舊重會面幾時又

二 贈張彥功

曉印霜花步夢半醒扶上雕鞍馬嘶人去嵐濕青絲
雙轡冷緩控野梅江路聽畫角吹殘更鼓悲壯寒聲
撩客恨甚貂裘重擁愁無數霜月白照離緒 青樓

回首家何處
早山遙水濶
天低斷腸煙樹
誰念天涯
牢落况輕負
爇煙濃雨記
酒醒香銷時
語客裏歸鞵
須早發
怕天寒風急
相思苦應為我
翠眉聚

三

院宇重重掩
醉沉沉
亭陰轉午
綉簾高捲
金鴨香濃
噴寶篆
驚起雕梁
語燕正架上
醅醖開偏嫩
萼梢頭
舒素臉
似月娥初試
宮粧淺
風力軟嫩
異香軟
佳人無意
拈針線
遠朱闌
六曲徘徊
為他留戀
試把花
心輕輕
數暗計
歸期近
遠奈數了
依然重怨
把酒問
春春
不管枉教人
只恁空腸斷
腸斷處
怎消遣

四

老去相如倦
向文君說似
而今怎生消遣
衣袂京塵
曾染處
空有香紅尚軟
料比此魂銷
腸斷一枕新涼
眠客舍
聽梧桐
踈雨秋風
顫燈暈
冷記初見
樓低
不放珠簾
捲晚粧殘
翠娥狼籍
淚痕流臉
人道愁來
須帶酒
無奈愁多
酒淺
但托意
焦琴紈扇
莫敲琵琶
江山曲
怕荻花
楓葉俱
凄然
雲萬疊
寸心遠

江西人來云呂為
鄧南秀詞非也

宮詞

游子明

暖雲浮晴
籞鎖垂楊
籠池罩閣
萬絲千縷
池上曉光

分宿霧日近群芳易吐尋並蒂闌干疑竚不信釵頭
飛鳳去但寶刀被妾留還任天一笑萬花妬阿嬌
正好金屋貯甚西風易得蕭疎扇寫塵土一自昭陽
扃玉戶墻角土花無數况多病情傷幽素別殿時聞
簫鼓奏望紅雲冉冉知何處天尺五去無路

清浪軒送春

嚴仁

碧浪搖春渚浸虛簷蒲萄澆漾翠綃掀舞委曲經過
臺下路載取落花東去問花亦漂流良苦花不能言
應有恨恨十分都被春風誤同此恨有飛絮人生
聚散元無據儘凭欄一尊相對蘋洲春莫嫉色
空悵望淚盡世間兒女君不見千金求賦飛燕婕妤
今何在看粘雲江影傷千古流不去斷菟處

感舊

李子永

門掩長安道捲重簾垂楊散暑嫩涼生早午夢驚回
庭陰翠蝶舞鶯吟未了政露冷芙蓉池沼金鴈塵昏
么絃斷理餘音尚想腰肢裊歡漸遠思還繞臨臯
望極滄江渺晚潮平湘烟萬頃斷虹殘照綵舫凌波
分飛後別浦菱花自老問錦重何時重到樓迥層城
看不見對瀟瀟暮雨憐芳草幽恨濶楚天杳

夏

趙文鼎

畫永重簾卷，乍池塘一番過雨。菱荷初展，竹引新梢，半含粉、綠蔭扶踈。滿院過花，絮蜂稀蝶懶，窗戶沉沉。人不到，伴清幽，時有流鶯轉。凝思久，意何限。玉釵墜枕，風鬟顫湛，虛堂壺冰瑩。徹簾波零亂。自是仙姿清無暑，月影空垂素扇。破午睡，香銷餘篆。一枕湖山千里夢，正白蘋煙棹歸來晚。雲弄碧，楚天遠。

端午

劉潛夫

思遠樓前路，望平堤十里湖光。畫船無數，綠蓋盈盈，紅粉面、葉底荷花解語。關巧結同心，雙綫尚有經年離別恨。一絲絲，總是相思處，相見也。又重午，清江

舊事傳荆楚，嘆人情千載如新。尚沉菰黍，且盡樽前今日醉。誰肯獨醒，吊古泛幾盞菖蒲。綠醕兩兩龍舟爭，競渡柁珠簾暮捲。西山雨看未足，怎歸去。

九日

前人

湛湛長空黑，更那堪斜風細雨亂山如織。老眼平生空四海，賴有高楼百尺看浩蕩。千崖秋色，白髮書生神州淚，儘淒涼。不向牛山滴。追往事，去無迹。少時自負凌雲筆，到如今春華落盡，滿懷蕭瑟。常恨世人新意少，愛說南朝狂客。把破帽年年帖出，若對黃花孤負酒，怕黃花也笑人岑寂。鴻北去，日西匿。

七夕

宋謙父

靈鵲橋初就記迢迢重湖風浪去年時候歲月不留
人易老萬世茫茫宇宙但獨對西風搔首巧拙豈闕
今夕事柰癡兒騃女流傳謬添話柄柳州柳道人
識破灰心久只好風涼月佳時踈狂如舊休笑雙星
經歲別人到中年已後雲雨夢可曾常有雪藕調冰
花熏茗正梧桐雨過新涼透且隨分一盃酒

戴式之

蝸角爭多少是英雄割據乾坤到頭休了一片泥塗
荒草地盡是魚龍故道新堤上風濤難保滄海桑田

何時變怕桑田未變人先老休為此生煩惱訟庭
不許頻頻到這官坊翻來覆去有何分曉無諍人中
為第一長訟元非吉兆但有恨平章不早樽酒喚回
和氣在看從來兄弟依然好把前事付一笑

上趙侍郎生日

李公甫

鵠立通明殿又重逢揆余初度慶庚華且不學花奴
簪紅槿且看秋香宜晚任甲子從新更換天欲東都
脩車馬故降神生甫維周翰歌崧嶽詠江漢明堂
朝罷夷琛獻引星辰萬人共聽風塵長算清晝山東
諸將捷席捲黃河兩岸問誰在玉皇香案帥保萬民

功業別向西京原廟行圭瓚定郊鄔卜瀍澗

春感

吳毅甫

笑口開能幾把年年芳情冶思總拋閑裏桃杏枝頭
春才半寒食清明又是但歲月飈飛川逝回首秦樓
雙燕語到如今日斷斜陽外將往事試重記香羅
尚有相思淚笑人生新愁易積舊歡難繼水上流紅
無覓處還隔關山萬里但贏得新來憔悴昨夜東風
顛狂後想餘芳盡是飄零底詞寫就倩誰寄

和劉潛夫韵

陳敬叟

曉夢鶯呼起便安排詩家厨傳酒家行李點檢花邊

新雨靈春在萬家生齒道官似錦溪清駛但使有人
耕綠野正不妨鼓吹頻來此方覓句且夷俟畫橋
西畔多春意記年年曾來幾度落花流水行到水窮
雲起處依約朝川竹里興未屬王孫公子料想明年
端門裏有傳棋宴罷黃封醉肯回首萬杉底

黃叔暘

倦整摩天翼笑歸來點畫亭臺按行泉石落落元龍
湖海氣更着高樓百尺收攬盡水光山色曾駕颺車
蟾宮去幾回批惜月支風敕斯二者慣相識玲瓏
窓戶青紅濕夜深時寒光爽氣洗清肝兩似此交游

真洒落判與升堂入室有萬象來為賓客不用笙歌
輕點沈看仙翁手搦虹霓筆吟思遠兩峯碧

西湖

文及翁

一勺西湖水渡江來百年歌舞百年醅醉回首洛陽
花世界煙渺黍離之地更不復新亭墮淚族樂紅粧
搥盡航問中流擊楫誰人是千古恨幾曠洗誰余生
自負澄清志更有誰礪溪未遇傳巖未起國事如今
誰仗倚衣帶一江而已便都道江神堪恃借問孤山
林處士但掉頭笑指梅花盞天下事可知矣

石城吊古

王千秋

吊古城頭去正高秋霜晴木落路通州渚欲問紫髯
分鼎事只有荒祠烟樹巫覡去久無簫鼓霸業荒涼
遺堞墜但蒼崖日閱征帆度興與廢幾今古夕陽
細草空凝佇追思當時子敬用心良讀要約劉郎銅
雀醉底事遽爭荆楚遂但見吳蜀烽舉致使五官伸
脚睡喚諸兒晝取長陵土遺此恨欲誰語

感懷

李南金

流落今如許我亦三生杜牧為秋娘着句先自多愁
多感慨更值江南春暮君看取落花飛絮也有吹來
穿繡幌有因風飄墮隨塵土人世事總無據佳人

命薄君休訴若說與英雄心事一生更苦且盡樽前
今日意休記綠愁眉嫵但春到兒家庭戶幽恨一簾
烟月曉恐明年鴈亦無尋處渾欲倩鶯留住

贈建寧妓唐王

吳履齋約隱
紀談

可意人如玉小黛籠輕勻淡野道家粧束長恨春歸
無尋處全在波明黛綠看冶葉倡條渾俗比似江梅
清有韻更臨風對月斜依竹看不足詠不足曲屏
半掩春山簇正輕寒夜永花睡半歌殘燭縹緲九霞
光裡夢香在衣裳賸馥又只恐銅壺聲促試問送人
歸去後對一奩花影垂金粟腸易斷情難續

送太守

平江妓約隱
紀談

春色元無主荷東君着意看承等閑分付多少無情
風與浪又那更蝶欺蜂妬笑燕雀眼前無數縱使簾
櫳能愛護到如今已是成遲暮芳草碧遮歸路看
看做到難言處怕仙槎輕轉旌旗易歌襦袴月滿西
樓絃索靜雲蔽崑城閩府便恁地一帆輕舉獨倚闌
干愁拍碎慘玉容淚眼如紅雨去與住兩難訴

乳燕飛寄劉
閩風

汪莘

曉趁西湖約到湖頭烟消日出波生兩脚自挈白魚
携碧酒要與詩人共酌把樓上朱簾搭却坐對荷花

三萬朶念西鄰未嫁肌如削待折與不堪着 別來
又見秋蕭索恨無由將子風月伴君雲鶴想見登山
臨水處醉把茱萸檠礪唱白雪陽春新作憶自東籬
人去後美人間黃菊空零落嘆作者多命薄

金縷歌

陪履齋先生
滄浪看梅

吳君特

喬木生雲氣訪中興英雄陳迹暗追前事戰艦東風
慳借便夢斷神州故里旋小築吳宮閑地華表月明
歸夜鶴歎當時花竹今如此枝上露濺清淚 遨頭
小簇行春隊步蒼苔尋幽別塢看梅開未重唱梅邊
新度曲催發寒梢凍蘂此心與東君同意後不如今

今非昔兩無言相對滄浪水懷此恨寄殘醉

風瀑布

牟存叟

翰

閣住杏花雨便新晴等閑勾引香車成霧壁月光中
簫鳳遠嫋嫋餘音如縷悄一似群仙府天意乍隨人
意好漸星橋度漢珠還浦又何啻列千炬 晚來乍
覺陰盤固笑人間玉瓶瑤瑟錦茵雕俎無限昇平宣
政曲回首中原何處慨鳴鏑已無宮武樸面胡塵渾
未掃強歡謳還肯軒昂否縈舊恨為誰賦

摸魚兒

永叔

卷繡簾梧桐秋院落一霎雨添新綠對小池閑立殘

粧淺向晚水紋如縠凝遠目恨人去寂寂鳳枕孤難
宿倚欄不足看燕拂風簷蜂翻草露兩兩長相逐
雙眉促可惜年華婉婉西風初美庭菊况伊家年少
多情未已難拘束那堪更趁涼景追尋甚處垂楊曲
佳期過盡但不說歸來多應忘了屏雲去時祝

晁無咎

買陂塘旋栽楊柳依稀淮岸湘浦東臯雨足輕痕漲
沙嘴鷺來鷗聚堪愛處最好是一川夜月光流渚無
人自舞任翠幕張天柔茵藉地酒未盡能去青綾
被休憶金閨故步儒冠曾把身誤弓刀千騎成何事
荒了召平瓜圃君試覩滿青鏡星星鬢影今如許功
名浪語便做得班超封侯萬里歸計恐遲暮

晚春

辛幼安

更能消幾番風雨匆匆春又歸去惜春長怕花開早
何況落紅無數春且住見說道天涯芳草迷歸路怨
春不語笑只有殷勤畫簷蛛網盡日惹飛絮長門
事準擬佳期又誤蛾眉曾有人妬千金縱買相如賦
脉脉此情誰訴君若舞君不見玉環飛燕皆塵土閑
愁最苦休去倚危欄斜陽正在烟柳斷腸處

程書舟

掩淒涼黃昏庭院角聲何處嗚咽矮窓曲屋風燈冷
還是苦寒時節凝佇切念翠被薰籠夜夜成虛設倚
闌愁絕聽鳳竹聲中屏帷影外簌簌釀寒輕雪傷
心處却憶當年輕別梅花滿院初發吹香弄藥無人
見惟有暮雲千疊情未徹又誰料而今好夢分胡越
不堪重說記得當初重門鎖處猶有夜深月

感歎

劉潛夫

惟新來倚樓看鏡清狂渾不如舊莫雲千里傷心色
那更亂蟬踈柳凝望久愴故國百年漢闕誰回首功
名大謬歎采藥名山讀書精舍此計何時就封侯

事久矣輸人妙手扁舟聊作漁叟高冠長劍都閑物
世上切身惟酒千載後君試看拔山扛鼎俱烏有英
雄骨朽問顧曲周郎而今還解來聽小詞否

九日登姑蘇臺

盧申之

惟西風曉來欹帽年華還是重九天機袞袞山新瘦
客子情懷誰剖微雨後更鴈帶邊寒裊裊欺羅袖慵
荷倦柳銷不似黃花田田照眼風味儘如舊登臨
地寂寞崇臺最久闌干幾度搔首翻雲覆雨無窮事
流水斜陽知否吟未就但衰草寒煙商畧愁時候閑
愁浪有總輸與洲明東籬醉舞身世付杯酒

鴈丘

元遺山 梅磔 詩話

恨人間情是何物直教生死相許天南地北雙飛客
老翅幾回寒暑歡樂趣離別苦就中更有癡兒女君
應有語渺萬里層雲千山暮景隻影為誰去 橫汾
路寂寞當年簫鼓荒煙依舊平楚招魂楚些何嗟及
山鬼自題風雨天也如未信與鶯兒燕子俱黃土千
秋萬古為留待騷人狂歌痛飲來訪鴈丘處

太和五年乙丑歲赴試并州道逢捕鴈者云今日獲一鴈殺之矣其脫網者悲鳴不能去竟自投於地而死子因買得之葬之汾水之上累石為識號曰鴈丘併作鴈丘詞

同遺山賦鴈丘

楊正卿 翰

悵年年鴈飛汾水秋風依舊蘭渚網羅驚破雙棲夢
孤影亂翻波素還醉與笑古往今來只有相思苦朝
朝暮暮想塞北風沙江南煙月爭忍自來去 埋恨
處依約并門舊路一丘寂寞寒雨世間多少風流事
天也有心相妬休說與還却怕有情多被無情悞一
盃會舉待細讀悲歌滿傾清淚為尔酌黃土

同賦鴈丘

李仁卿

鴈雙雙正分汾水回頭生死殊路天長地久相思債
何似眼前俱去摧勁羽倘萬一幽冥却有重逢處詩
翁感遇把江北江南風嘹月唳并付一丘土 仍為

汝小草幽蘭麗句聲聲字字酸楚拍江秋影今何在
宰木欲迷隄樹霜魂苦笑猶勝王嬙青塚真娘墓無
誰說與對鳥道長空龍艘古渡馬耳淚如雨

雙蓮

大名有男女以私情不遂赴水者后三日二尸相携出水濱是歲陂荷俱並蒂

為多情和天也老不應情處如許請君試聽雙蓮怨
方見此情真處誰點注香漱灑銀塘對抹胭脂露藕
絲幾縷絆玉骨春心金沙曉露淚漠漠瑞紅吐連
理樹一樣驪山懷古古今朝暮雲雨六郎夫婦三生
夢斷幽恨從前沮湏會取共鴛鴦翡翠照影長相聚
風不住悵寂寞芳魂輕煙北渚涼月又南浦前人

莫崙

聽春教燕顰鶯訴朝朝花因風雨六橋忘却清明後
碧盡柳絲千縷蝶蜂侶正閒覓閒花閒草閒歌舞最
憐西子尚薄薄雲情盈盈波淚點點舊眉嫵流紅
記空泛秋宮怨句才色何處嬌妒落紅無限隨風絮
詩恨有誰曾遇堪恨處恨前度花信催花去東君暗
苦更多囑多情多愁杜宇多訴斷腸語

邁陂塘

登鳳凰臺

梁隆吉

枕寒流碧縈衣帶高臺平與雲倚燕來鶯去誰為主
磨滅謫仙吟墨愁思裡待說與山靈還又羞拈起簫

韶已矣甚竹實風摧桐陰雨瘦景物變新麗
江山在認得劉郎阿寄年來聲譽休廢英雄不博胭脂井
誰念故人衰悴時有幾便鳳去臺空莫厭頻遊此興
亡過耳任北雪迷空東風換綠都付夢和醉

良岳

姚雲文

渺人間蓬瀛何許一朝飛入梁苑網川梯洞層魂出
帶取鬼愁龍怨窮遊宴談笑裏金風吹折桃花扇翠
華天遠悵莎沼粘營錦屏烟合草露泣蒼蘚東華
夢好在牙樞瑀輦畫圖歷歷曾見落紅萬點孤臣淚
斜日牛羊春晚摩雙眼看塵世鰲宮又報鯨波淺唵

勦拍斷便乞與媧皇化成精衛填不盡遺恨

常居安

繞茗城水平波渺雙明遙睇無際就中惟有漁灣好
占得西閨佳致楊柳外羨泛宅浮家當日玄真子溪
山信羨嘆陳迹猶存前賢已往誰會景中意蕭閑
甚築屋三間近水汀洲香汎蘭芷清風明月知多少
肯滯軟紅塵裏垂釣餌這春水生時賸有桃花鯪煩
襟淨洗待辦取輕蓑來分半席相對弄清泚

瑤臺月

嚴風凜冽萬木凍園林蕭靜如洗寒梅占早爭先暗

吐香盡逞素容探暖欺寒遍粧點亭臺佳致通一氣
超群卉值臘後雪清麗開筵共賞南枝宴會 好折
贈東君驛使把嶺頭信息遠寄遇詩朋酒侶樽前吟
吟綴且優游對景懽悞更莫厭陶陶沉醉羗管怨瓊
花綴結子用調鼎堪餌將軍止渴思得此味

集賢賓

佳

柳耆卿

小樓深巷狂遊徧羅綺成叢就中堪人屬意最是春
風有畫難描雅態無花可比芳容幾回欲散良宵永
鴛衾暖鳳枕香濃等得人間天上惟有两心同 近
來雲雨忽西東諂惱損情悰縱然偷期暗會長是忽

忽爭似和鳴偕老免教歛翠啼紅眼前時暫疎歡宴
盟言在更莫忡忡待作真箇宅院方信有初終

子夜歌

和尙

彭元遜

視春衫篋中半在浥浥酒痕花露恨桃李如風過盡
夢裏故人成霧臨穎美人秦川公子脫共何人語對
人家花草池臺回首故園咫尺未成歸去 昨宵聽
危絃急管酒醒不知何處漂泊情多哀遲感易無限
堪憐許似尊前眼底紅顏消幾寒暑年少風流未諳
春事追與東風賦待他年君老巴山共君聽雨

鳳歸雲

適

柳耆卿

戀帝里金谷園林平康巷陌觸處繁華連日踈狂未
嘗輕負寸心雙眼况佳人盡天外行雲堂上飛燕向
玳筵一一皆妙選長是因酒沉迷被花縈絆更可
惜淑景亭臺暑天枕簟霜月夜涼雪霰朝飛一歲風
光盡堪随分俊遊清宴筭浮生事瞬息光陰錙銖名
宦正惟笑試恁暫時分散却是恨雨愁雲地遙天遠

吊嚴陵

李景元

蕙蘭香泛孤嶼潮平鷺鷥散雪迤邐灑點破澄江秋色
暝靄向歛踈雨乍收染出藍峯千尺漁舍孤烟鎖寒
磧畫蠲翠帆旋解輕艤晴霞岸側正念往悲酸懷鄉

悽切何處引羌笛 追惜當時富春佳地嚴光釣趾
空遺迹華星沉後扁舟泛去蕭洒閑名圖藉離觴吊
終寓月意 魂消淚滴漸洞天曉回首暮雲千古碧

迷仙引

夢石
曼卿

閑詠

古今
詩語

春陰霽岸柳參差裊金絲細畫閣晝眠鶯喚起煙光
媚燕燕雙高引愁如人醉慵緩步眉歛金鋪倚佳景易
失懊惱韶光改花空委忍厭厭地施朱粉臨鸞鏡膩
香銷減摧桃李 獨自凝睇暮雲暗遙山翠天色無
情四遠低垂淡如水離恨託征鴻寄旋嬌波暗落相
思淚粧如洗向高樓日日春風裡悔憑欄芳草人千

里

金明池

詩餘

瓊苑金池青門紫陌似雪楊花滿路雲日淡天低晝
永過三熨兩熨細雨好花枝半出墻頭似悵望芳草
王孫何處更水遶人家橋當門巷燕燕鶯鶯飛舞
怎得東君長為主把綠鬢朱顏一時留住佳人唱金
衣莫惜才子倒玉山休訴况春來倍覺傷心念故園
情多新年愁苦縱寶馬嘶風紅塵拂面也則尋苦歸
去

夏雲峯

傷春

僧仲殊

天濶雲高溪橫水遠晚日寒生輕暈閑堦靜楊花漸
少朱門掩鶯聲猶嫩悔匆匆過却清明旋占得餘芳
已成幽恨都幾日陰沈連宵慵困起來韶華都盡
怨人雙眉闌闌損乍品得情懷看承全近深深態無
非自許厭厭意終羞人問爭知道夢裡蓬萊待忘了
餘香時傳音信縱留得鶯花東風不住也則眼前愁
悶

笛家弄慢

柳耆卿

花發西園草薰南陌韶光明媚乍晴輕暖清明後水
嬉舟動襖飲筵開銀塘似染金堤如繡是處王孫幾

多遊妓往往攜纖手遣離人對嘉景觸目盡成感舊
別久 帝城當日蘭堂夜燭百萬呼盧盡閣春風十
千沽酒未省宴處能忘絃管醉裏不尋花柳豈知秦
樓玉簫聲斷前事難重偶空遣恨望仙鄉一餉淚沾
襟袖

朱雍

瓊質仙姿縞袂清格天然踈秀靜軒煙鎖黃昏後影
瘦零亂艷冷瓏璵雪肌瑩暖冰枝縈繡更賦風流幾
番攀贈細撚香盈手與東君叙睽遠脉脉時情有舊
立久 閨苑凝夕瑤窓淡月百琲尊芳醉玉談羣手

鍾酌酒向此是處難忘瘦花送遠何勞隨柳空聽笛
聲悽斷樂事人非偶空餘恨惹幽香不滅尚沾春袖

送征衣

柳耆卿

過韶陽璿樞電統華渚虹流運應千載會昌聲寰宇
薦殊祥吾皇誕彌月瑤圖纘慶玉葉騰芳並景貺三
靈眷佑挺英哲掩前王遇年年嘉節清和頒率土稱
觴 無間要荒華夏盡萬里走梯航彤庭舜張太樂
禹會群芳鵷行趨上國山呼鼉抃遥爨爐香竟就日
瞻雲獻壽指南山等無疆願巍巍寶曆鴻基齊天地
遙長

綠頭鳴

錢塘懷古

傳按察

輟

靜中看記昔日淮山隱隱宛若虎踞龍盤下襄樊指
揮襄漢鞭雲騎圍繞江干勢不成三時當混一過唐
之數不為難陳橋驛孤兒寡婦久假當還 掛征帆
龍舟催發紫宸初捲朝班禁庭空土花暈碧輦路悄
鳴謁聲乾縱餘得西湖風景花柳亦凋殘去國三千
遊仙一夢依然天淡夕陽閑昨宵也一輪明月還照
臨安

春雪間早梅

梅將雪共春彩艷灼灼不相因逐吹霏霏能爭密排

枝碎碎巧妬新誰令香來滿坐獨使淨歛無塵芳意
饒呈瑞寒光助照人玲瓏次第開已遍點綴坐來頻
那是俱懷疑似須知造化兩各逼真熒煌初亂
眼浩蕩逸氣忽迷神未許瓊花並將從玉樹相親先
期迎獻歲更同歌酒占茲辰六華螭蒂相輝映輕盈
敢自珍

翠羽吟

紺露濃映素空樓觀悄玲瓏粉凍霽英光搖蕩古青
松半規黃昏淡月梅氣山影溟濛有麗人步依脩竹
蕭然態若遊龍 綃袂微皺水溶溶仙壘清灑淨洗

斜紅勸我浮香桂酒環珮暗解聲飛芳靄中弄春弱
柳垂絲慢按翠舞嬌童醉不知何處驚剪淒緊霜風
夢醒尋痕訪蹤但留殘星挂彎梅花未老翠羽震吟
一片曉峯

王君本示予越調小梅花引俾似飛仙步虛之意
為其辭予謂泛泛言仙似乎寡味越調之曲與梅
花宜羅浮梅花真仙事
也演而成章名翠羽吟

春風裊娜

馮偉壽

被梁間雙燕話盡春愁朝粉謝午花柔倚紅闌故與
蝶圍蜂繞柳綿無數飛上搔頭鳳管聲圓蠶房香爇
笑挽羅衫須少留隔院蘭馨趁風遠鄰墻挑影伴烟

收此子風情未減眉頭眼尾萬千事欲說還休蓄
薇刺牡丹毬殷勤記省前度綢繆夢裡飛紅覺來無
覓望中新綠別後空稠相思難偶歎無情明月今年
已見三度如鉤

洞仙歌

密約

柳耆卿

佳景留心慣况少年彼此風情非淺有笙歌巷陌綺
羅庭院傾城巧笑如花面恣雅態明眸回美盼同心
綰萸國艷仙材翻恨相逢晚 繾綣洞房悄悄繡被
重重夜永歡餘共有海約山盟記得翠雲偷剪和鳴
彩鳳于飛燕間柳徑花陰携手便情眷戀向其間密

約輕憐事何限忍聚散况已結深深願願人間天上
暮雲朝雨長相見

白苧

柳耆卿

繡簾垂盡堂悄寒風浙瀝遙天萬里黯淡同雲幕幕
漸紛紛六花零亂散空碧姑射宴瑤池把碎玉零珠
拋擲林巒望中高下瓊瑤一色嚴子陵釣臺歸路迷
蹤跡追惜燕然畫角寶籥珊瑚是時丞相虛作銀
城換得當此際偏宜訪袁安宅醺醺醉了任他金釵
舞困玉壺頻側又是東君暗遣花神先報南國昨夜
江梅漏泄春消息

王晦叔順堂集云白苧詞傳者至少其正宮一
世以為紫姑神所作也方寫至追昔燕然畫角寶
籥珊瑚是時丞相虛作銀城換得或問
出何書答曰天上文字汝爭得知

蔣竹山

正春晴又春冷雲低欲落瓊苞未剖早是東風作惡
安排一雙銀蒜鎮羅幕幽壑冰生漪皺嫩綠替鱗
初躍悄悄門巷桃樹紅繩約畧知甚時霽華烘破青
青萼憶昨引蝶花邊近來重見身學垂楊瘦削問
小翠眉山為誰攢却斜陽院宇任蛛絲罥徧玉笋絃
索戶外惟聞放剪刀聲深在桃閣料想裁縫白苧春
衫薄

蘭陵王

周美成

柳陰直煙裏絲絲弄碧隋堤上曾見幾番拂水飄綿
送行色登臨望故國誰惜京華倦客長亭路年去歲
來應折柔條過千尺 閑尋舊蹤跡又酒趁哀絃燈
照離席梨花榆火催寒食愁一剪風快半篙波暖回
首迢遞便數驛望人在天北 悽惻恨堆積漸別浦
縈回津堠岑寂斜陽冉冉春無極念月榭携手露橋
吹笛沉思前事似夢裏淚暗滴

春遊

張仲宗

卷珠箔朝雨輕陰乍閣闌干外煙柳弄晴芳草侵階

映紅藥東風妬花惡吹落梢頭嫩萼屏山掩沈水倦
熏中酒心情怕杯勺 尋思舊京洛正年少踈狂歌
笑迷著障泥油壁催梳掠曾馳道同載上林携手燈
夜初過早共約又爭信漂泊 寂寞念行樂甚粉淡
衣襟音斷絃索瓊枝璧月春如昨悵別後華表那回
雙鶴相思除是向醉裏暫忘却

春思

前人

綺霞散空碧留晴向晚東風裏天氣困人時節秋千
閉深院簾旌翠波颭窻影殘紅一線春光好花臉柳
腰勾引芳菲鬧鶯燕 閑愁費消遣想蛾綠輕顰鵲

鑑新怨單衣欲試寒猶淺羞衾鳳空展塞鴻難托誰
問潛寬舊帶眼念人似天遠 迷戀畫堂宴看最樂
王孫濃艷爭勸蘭膏寶篆春宵短擁檀板低唱玉杯
重暖衆中先醉謾倚檻早夢見

十二時

秋夜

柳耆卿

晚晴初淡烟籠月風透蟾光如洗覺翠帳涼生秋思
漸入微寒天氣敗葉敲窓西風滿院睡不成還起更
漏咽滴破憂心萬感並生都在離人愁耳 天怎知
當時一句做得十分縈繫夜永有時分明枕上覩着
孜孜地燭暗時酒醒元來又是夢裡 睡覺來披衣

獨坐萬種無慘情意怎得伊來重諧雲雨再整餘香
被祝告天發願從今永無拋棄

破陣樂

前人

露花倒影煙蕪蘸碧靈沼波暖金柳搖風樹樹戲綵
舫龍舟遙岸千步虹橋參差鴈齒直趨水殿遶金堤
曼衍魚龍戲簇嬌春羅綺喧天絲管霽色榮光望中
似覩蓬萊清淺 時見鳳輦宸遊鸞觴襖飲臨翠冰
開鎬宴兩兩輕舸飛畫檝競奪錦標霞爛聲催娛歌
魚藻徘徊宛轉別有盈盈遊女各委明珠爭收翠羽
相將歸去漸覺雲海沉沉洞天日晚

錢塘

張子野

四堂互映雙門並麗龍閣開府郡美東南第一望故
苑樓臺霏霧垂柳池塘流泉巷陌吳歌處處近黃昏
漸更宜良夜簇繁星燈燭長衢如晝暝色韶光幾簾
粉面飛毫朱戶歡遇鴈齒橋紅裙腰草綠雲際寺
林下路酒熟梨花賓客醉但覺滿山簫鼓盡朋遊因
民樂芳菲有主自此歸從泥詔去指沙堤南屏水石
西湖風月好作千騎行春畫圖寫取

浪淘沙慢

周美成

晝陰重霜凋岸草霧隱城堞南陌脂車待發東門帳
飲卞闕正拂面垂楊堪纜結掩紅淚玉手親折念漢
浦離鴻去何許經時信音絕情切望中地遠天濶
向露冷風清無人處耿耿寒漏咽嗟萬事難忘惟是
輕別翠樽未竭憑斷雲留取西樓殘月羅帶光銷紋
衾疊連環解舊香頻歇怨歌永瓊壺敲盡缺恨春去
不與人期弄夜色空餘滿地梨花雪

相思

柳耆卿

夢覺透窓風一線寒燈吹息那堪酒醒又聞空堦夜
雨頻滴嗟因循久作天涯客負佳人幾許盟言更忍
把從前懽會陡頓翻成憂戚愁極再三追思洞房

深處幾度飲散歌闌香暖鴛鴦被豈暫時踈散費伊
心力殫雨尤雲有萬般千種相憐相惜到如今長天
漏永無端自家踈隔知何時却擁秦雲態願低幃昵
枕輕輕細說與江鄉夜夜數寒更思憶

大酺

周美成

對宿烟收春禽靜飛雨時鳴高屋墻頭青玉旆洗鉛
霜都盡嫩梢相觸潤逼琴絲寒侵枕障蟲網吹粘簾
竹郵亭無人處聽簷聲不斷困眠初熟柰愁極頓驚
夢輕難記自怜幽獨 行人歸意速最先念沅潦妨
車轂恁柰向蘭成憔悴衛玠清羸等閑時易傷心目
未怪平陽客雙淚落笛中哀曲况蕭索青蕪國紅糝
鋪地門外荆桃如菽夜遊共誰秉燭

牡丹

劉後村

正綠陰濃鶯聲懶庭院寒輕烟薄天然花富貴逞天
紅殷紫疊葩重萼醉艷酣春妍姿浥露翠羽輕明如
削檀心鴨黃嫩似離情愁緒萬絲交錯更銀燭相輝
玉瓶微浸宛然京洛 朝來風雨惡怕僞憇低張青
油幕便好倩佳人插帽貴客傳箋趁良辰賞心行樂
四美難并也須拚醉莫辭杯酌被花惱情無着長笛
何處一笑江頭高閣極目水雲漠漠

瑞龍吟

周美成

章臺路。還是褪粉梅梢，試花桃樹。愔愔坊陌人家，定巢燕子，歸來舊處。黯黯凝竚。因念箇人癡小，乍窺門戶。侵晨淺約宮黃，障風映袖，盈盈笑語。前度劉郎重到，訪鄰尋里，同時歌舞。惟有舊時秋娘，聲價如故。吟牋賦筆，猶記燕臺句。知誰伴、名園露飲，東城閑步。事與孤鴻去。探春盡、是傷離緒。官柳低金縷。歸騎晚，纖纖池塘飛雨。斷腸院落，一簾風絮。

翁處靜

清明近還是。遙趙東風，做成花訊。芳時一刻千金半。晴半雨。酹春未準。鴈歸盡。離字向人欲寫。暗雲難認。西園猛憶逢迎。翠紈障面，花間笑隱。曲徑池蓮，平砌絳裙。曾與濯香湔粉。無柰燕幕鶯簾，輕負嬌俊。青榆巷陌。蹋馬紅成寸。十年夢。鞦韆吊影。鞞羅塵褪。事往憑誰問。晝長病酒添新恨。烟冷斜陽晚。山黛遠。曲曲闌干。凭損柳絲萬尺。不如輕紫。

玉女推仙佩

飛瓊伴侶。偶別珠宮，未返神仙行綴。取次梳粧，尋常言語，有得幾多姝麗。擬把名花比。恐傍人、笑我談何容易。細思萸萸絕卉，惟是深紅淺白而已。爭如這

多情占得人間千嬌百媚。須信畫堂綉閣皓月清
風。忍把光陰輕棄。自古及今。佳人才子。少得當年雙
美。且恁相偎倚。未消得。憐我多才多藝。願如蘭心
蕙性。枕前言下。表余深意。為盟誓。今生斷不辜鴛被。

朱雍

灰飛鮮谷珮解。江干庾嶺寒輕。梅瘦水面吞蟾山光
暗。斗物色盈枝。依舊凭暖危欄。又有清香旖旎。却沾
襟袖。賦情窺人艷冷。更是慙慙忍。重回首。誰知道春
歸院落。繽紛雪飛鴛甃。須謝花機。受惜碎壁舖酥。
肯把蜚英。儻恁念念瑤珂。乘颺煙浦。送別猶携纖手。

馥郁盈芳。酒臨粧罷。一點眉峯傷皺。又只但恐收夢
斷。免淒風怨曉。催銀漏。殘金獸。參橫墮月。歸時候。

多麗

聶冠卿

想人生美景良辰。堪惜向其間。賞樂心事。古來難是
并得。况東城鳳臺。沁死泛晴波。淺照金碧。露洗華桐。
煙霏絲柳。綠陰搖洩。蕩春一色。畫堂迥玉簪瓊佩。高
會盡詞客。清歡久。重燃絳蠟。別就瑤席。有翩若鷺
鴻。艸態暮為行雨。標格逞朱唇。緩歌妖麗。似聽流鶯
亂香。隔幔舞紫。回嬌鬟。低躡腰肢。纖細困無力。忍分
散彩雲。歸後何處。更尋覓。休辭醉明月。好花莫謗輕

擲

晁次膺

晚雲收淡天一片琉璃爛銀盤來從海底皓色千里
澄輝瑩無塵素娥淡佇靜可數丹桂參差玉露初零
金風未凜一年無似此佳時向坐久疎星時度烏鵲
正南飛瑤臺冷欄干凭暖欲下遲遲念佳人音塵
隔後對此應解相思最閨情漏聲正永暗斷腸花影
潛移料得來宵清光未減陰晴天氣又爭知共凝戀
如今別後還是隔年期人縱健清樽素月長願相隨

周格非

隴頭泉未到隴下輕分一聲聲淒涼嗚咽豈堪側耳
重聞細思量那時携手畫樓高簾暮黃昏月不長圓
雲多輕散天應偏妬有情人自別後小窓幽院無處
不消魂羅衣上殘粧未減猶帶啼痕自一從瓶沉
簪折杳知欲見無因也渾疑事如春夢又只恐人是
朝雲破鏡分來朱絃斷後不堪獨自對芳尊試與問
多才誰更足配得文君須知道東陽瘦損不為傷春

李子申

好人人去來欲見無因記當時切香倚暖豈期蝶散
鷓分到而今謾勞夢想嘆後會慘啼痕綉閣銀屏知

他何處一重山盡一重雲暮天杳梗蹤萍跡還是寄
孤村寂寥月今宵為誰虛照黃昏 細追思深誠密
愛黯然一餉消魂伏游魚謾傳尺素望塞鴻空噎回
紋帳衾寒香銷塵滿博山沉水更誰熏斷腸也無聊
情味唯是殢芳樽沉吟久移燈向壁掩上重門

記恨

嚴次山

最無端官樓畫角輕吹一聲來深閨深處把人好夢
驚回許多愁儘教奴受此箇事未必君知淚滴蘭衾
寒生珠幌翠雲撩亂枕頻欹窓兒上幾條殘月斜玉
界羅帷更堪聽霜推敗葉靜扣朱扉 念別離千里

萬里問何日是歸期閑情處魚來鴈往斷腸是兒走
鳥飛美景良辰賞心樂事風流孤負綉金衣謾贏得
花顏玉骨瘦損為相思歸須早劉郎雙鬢莫遣成絲

李易安

小樓寒夜長簾幕低垂恨蕭蕭無情風雨夜來揉損
瓊肌也不似貴妃醉臉也不似孫壽愁眉韓令偷香
徐娘傅粉莫將比擬未新奇細看取屈平陶令風韻
正相宜微風起清芬醞藉不減醑醺 漸秋闌雪清
玉瘦向人無限依依似愁凝漢臯解佩似淚洒紈扇
題詩明月清風濃烟暗雨天教憔悴度芳姿縱愛惜

不知從此留得幾多時
人情好何須更憶澤畔東籬

六醜落
花

周美成

正單衣試酒悵客裏光陰虛擲願春暫留春歸如過
翼一去無跡為問家何在夜來風雨送楚宮傾國釵
鈿墮處遺香澤亂點桃蹊輕翻柳陌多情更誰追惜
但蜂媒蝶使時叩窻榻東園岑寂漸彖籠暗碧靜
遠珍叢底成歎息長條故惹行客似牽衣待話別情
無極殘英小強簪巾幘終不似一朶釵頭顫裊向人
歌側漂流處莫趁潮汐恐斷鴻尚有相思字何由見
得

輪臺子

別恨

柳耆卿

霧歛澄江烟鎖藍光碧彤霞襯遙天掩映斷續半空
殘壁孤村望處人寂寞聞鈞叟甚處一聲羌笛九疑
山畔纔雨過班竹作血痕添色感行客翻思故鄉恨
因循阻隔路久沉消息正老松枯栢情如織聞野
猿啼愁聽得見鈞舟初出芙蓉渡頭鴛鴦灘側千名
利祿終無益念歲歲間阻迢迢紫陌翠娥嬌艷從別
經今花開柳拆傷魂魄利名牽役又爭忍把光景拋
擲

六州歌頭

過烏江

李冠

玉林作
劉仲方

秦亡草昧劉項起吞并鞭寰宇驅龍虎掃挽捨斬長
鯨血染中原戰爭眎餘耳皆鷹犬平甌亂歸炎漢勢
奔傾兵散月明風急旌旗亂刀斗三更共虞姬相對
泣聽楚歌聲玉帳魂驚泪盈盈念花無主凝愁苦
揮雪刃掩泉扃時不利騅不逝困陰陵叱追兵嗚喑
摧天地望歸路忍偷生功何處蓋世成閒紀見遺靈
江靜水寒烟冷波紋細古木彫零遣行人到此追念
益傷情勝負難憑

張安國

長淮望斷閑塞莽然平征塵暗霜風勁悄邊聲黯銷

凝追想當年事殆天數非人力洙泗上絃歌地亦羶
腥隔水羶鄉落日牛羊下區脫縱橫看名王宵獵騎
火一川明笳鼓悲鳴遣人驚念腰間箭匣中劒空
埃蠹竟何成時易失心徒壯歲將零渺神京干羽方
懷遠靜烽燧且休兵冠蓋使紛馳鷲若為情聞道中
原遺老常南望翠葆霓旌使行人到此忠憤氣填膺
有淚如傾

朝野遺記云安國在建康留守席
上賦此歌闕魏公為罷席而入

韓元吉

東風着意先上小桃枝紅粉膩嬌如醉倚朱扉記年
時隱映新粧面臨水岸春將半雲日暖斜陽轉夾城

西草軟沙平，跛馬垂楊渡。玉勒爭嘶，認娥眉凝笑臉。
薄拂胭脂綉，戶曾窺恨依依。昔携手處，香如霧紅。
隨步怨春遲，消瘦損，憑誰問。只花知泪空垂，舊日堂
前燕和煙雨，又隻飛人自老。春長好，夢佳期。前度劉
郎幾許風流地也，應悲但茫茫暮靄，目斷武陵溪往
事難追。

驪山

李世英

淒涼綉嶺宮殿倚山阿，明皇帝曾游地。鎖烟蘿鬱嗟
峨憶昔真妃子，艷傾國方姝麗。朝復暮嬪嬙妬寵偏
頗三尺玉泉新浴蓮，羞吐紅浸秋波。聽花奴敲羯鼓
酣奏鳴鼙，體不勝羅舞婆娑。正霓裳曳驚烽燧，千
萬騎擁瑯戈。情宛轉魂空亂，感雙蛾柰兵何。痛惜三
春暮，委妖麗。馬嵬坡平寇亂，回宸輦忍重過。香塵紫
囊猶有鴻都客，鈿合應訛使行人。到此千古只傷歌
事往愁多。

夜半樂

恨別

柳耆卿

凍雲黯淡天氣，扁舟一葉乘興離江渚。渡萬壑千岩
越溪深處，怒濤漸息，樵風乍起。更聞商旅相呼，片帆
高舉。泛盡鷁翩翩，過南浦。望中酒旆閃閃，一簇煙村
數行霜樹。殘日下漁人鳴榔歸去。敗荷零落，衰楊

掩映岸邊兩兩三三浣紗遊女避行客含羞相笑語
到此因念綉閣輕拋浪萍難駐嘆後約丁寧竟何據
慘離懷空恨歲晚歸期阻凝淚眼杳杳神京路斷鴻
聲遠長天暮

寶鼎現

元上

康伯可

夕陽西下暮靄紅溢香風羅綺乘麗景華燈爭放濃
燭燒空連錦砌靄皓月浸嚴城如畫花影寒籠絳藥
漸掩映芙蓉萬頃迤邐齊開秋水太守無限行歌
意擁麾幢光動珠翠傾萬井歌臺舞榭瞻望朱輪駢
鼓吹控寶馬耀貔貅千騎銀燭交光數里似亂簇寒

暮寒看看丹詔催奉宸遊燕侍便趁早占通宵醉緩

引笙歌妓任畫角吹老寒梅月滿西樓十二

中吳紀聞云范周字無外純古之子工於詩詞不
求聞達安貧樂道未嘗屈折於人盛季文作守時
頗嫚士嘗於元宵作寶鼎現詞投之極蒙嘉獎因
遺酒五百壺其詞播於天下每遇燈夕諸郡皆歌
之疑即此詞

梅花

東君着意化工恩被灼灼妖艷裊嫩梢輕蔭縈風惹
露偏早香英綻似向人故矜誇標致倚闌全如顧盼
尚困怯餘寒柔情弱態天真無限斷橋壓柳時非

淺先百花風光獨占常送臘初歸迎春欲至芳姿偏
婉嫵料碎剪就繒紈揮麗更把胭脂重染自賦得一
般容冶宛勝神仙粧臉折近小閣幽窓酷愛處令
親几硯儘孜孜觀賞不枉人稱妙選待密密付如膏
雨澤仍粧點任擾擾百卉千花掩跡一時羞見

哨遍

董解元

太皞司春春工着意和氣生暘谷十里芳菲儘東風
絲絲柳搓金縷漸次第桃紅杏淺水綠山青春漲生
煙渚九十日光陰能幾早鳴鳩呼嬾乳燕携雛亂紅
滿地任風吹飛絮蒙空有誰主春色三分半入池塘

半隨塵土滿地榆錢笑來難買春光任初夏永薰
風池館有藤床水簟紗幮日轉午脫巾散髮沉李浮
瓜寶扇搖紈素着甚消磨永日有掃愁竹葉侍寢青
奴霎時微雨送新涼此少金風退殘暑韶華早暗中
歸去

三臺

万俟雅言

見梨花初帶夜月海棠半含朝雨內苑春不禁過青
門御溝漲潛通南浦東風靜細柳垂金縷望鳳闕非
烟非霧好時代朝野多惟徧九陌太平簫鼓乍鶯兒
百轉斷續燕子飛來飛去近綠水臺榭映鞦韆開草

聚雙雙遊女 錫香更酒冷踏青路會暗識天桃朱
戶向晚驟寶馬雕鞍醉襟惹亂花飛絮正輕寒輕暖
漏永半陰半晴雲暮禁火天已是試新粧歲華到三
分佳處清明看漢宮傳蠟炬散翠烟飛入槐府歛兵
衛閭闔門開任傳宣又還休務

拋毬樂

春賞

柳耆卿

曉來天氣濃淡微雨輕洒近清明風絮巷陌煙草池
塘盡堪圖畫艷杏暖妝臉勻開弱柳困宮腰低亞是
處麗質盈盈巧笑嬉嬉爭簇秋千架戲綵毬羅綬金
鷄芥羽少年馳騁芳郊綠野占斷五陵遊奏脆管繁

絃聲和雅向名園深處爭拈畫輪競羈寶馬 取次
羅列杯盤就芳樹綠影紅陰下舞婆娑歌宛轉髣髴
鶯嬌燕姘寸珠片玉爭似穠懽無價任他美酒十千
一斗飲竭仍解金貂貫恣幕天席地淘淘盡醉太平
且樂唐虞景化須信艷陽天看未足已覺鶯花謝對
綠蟻翠蛾恁生輕捨

哨遍

東坡

為米折腰因酒棄家口體交相累歸去來誰不遣君
歸覺從前皆非今是露未晞征夫指子歸路門前笑
語喧童稚嗟舊菊都荒新松暗老吾年今已如此但

小牕容膝閉紫扉策杖看孤雲暮鴻飛雲出無心鳥
倦知還本非有意 噫歸去來兮我今忘我兼忘世
親戚無浪語琴書中有真味步翠麓崎嶇泛溪窈窕
涓涓暗谷流春水觀草木欣榮幽人自感吾生行且
休矣念寓形宇內復幾時不自覺皇皇欲何之委吾
心去留誰計神仙知在何處富貴非吾願但知臨水
登山嘯詠自引壺觴自醉此生天命更何疑且乘流
遇坎還止

春情

睡起畫堂銀蒜押簾珠幙雲垂地初雨歇洗出碧羅

天正溶溶養花天氣一霎晴風迴芳草榮光浮動卷
皺銀塘水方杏靨勻酥花鬢吐繡園林翠紅排比見
乳燕梢蝶過繁枝忽一綫爐香游絲晝永人閑獨立
斜陽曉來情味 便乘興携將佳麗深入芳菲裡撥
胡琴語輕櫳慢撚撚伶俐看紫約羅裙急趣檀板霓
裳入破驚鴻起顰月臨眉醉霞橫臉歌聲悠揚雲際
任滿頭紅雨落花飛墜漸鷓鴣樓西玉蟾低尚徘徊
未盡歡意君看今古悠悠浮幻人間世這些百歲光
陰幾日三萬六千而已醉鄉路穩不妨行但人生要

適情耳

劉禹錫詩野草芳菲紅
錦地游絲掩亂碧羅天

戚氏

柳耆卿

晚秋天一霎微雨灑庭軒檻菊瀟疎井桐零亂惹殘
烟淒然望鄉闕飛雲黯淡夕陽間當時宋玉悲感向
此臨水與登山遠道迢遞行人淒楚倦聽隴水潺湲
正蟬鳴敗葉蛩響衰草相應喧喧孤館度日如年風
露漸變悄悄至更闌長天靜絳河清淺皓月嬋娟思
綿綿夜永對景那堪屈指暗想從前未名未祿綺
陌紅樓往往經歲遷延帝里風光好當年少日暮宴
朝歡况有狂朋恠侶遇當歌對酒竟留連別來迅景
如梭舊遊似夢煙水程何限念利名憔悴長縈絆追

往事空慘愁顏漏箭移稍覺輕寒聽鳴咽畫角數聲
殘對閑牕畔停針向曉抱影無眠

東坡

王龜山東皇靈媿統群仙絳闕峩峩翠房深迥倚霏
烟幽閑志蕭然金城千里鎖嬋娟當時穆滿巡狩翠
華曾到海西邊風露霽鯨波極目勢浮輿蓋方圓正
迢迢麗日玄圃清寂瓊草芊緜爭解繡勒香鞦馱輅
駐驂八馬戲芝田瑤池近畫樓隱隱翠鳥翩翩肆
華筵間作管鳴絃宛若帝所鈞天稚頭皓齒綠髮方
瞳圓極恬淡高研盡倒瓊壺酒獻金鼎藥固大椿年

縹縹飛瓊妙舞命雙成奏曲醉留連雲璈韻響寫寒
泉浩歌暢飲斜月低河漢漸漸綺霞天際紅深淺動
歸思迴首塵寰爛熳遊王輦東還杏花風數里響鳴
鞭望長安路依稀柳色翠點春妍

李端叔跋云坡戚氏詞叙穆天子西王母事蓋在
山中燕席間有歌此闕者坐客言調美而詞不典
以請于公公方觀山海經即叙其事為題使妓再
歌之隨其聲填寫歌竟篇就絕點定五六字而已
端叔時在幕府
親見其事云

勝州令

鄭意娘

韓師厚妻

杏花正噴火朦朦微雨曉來初過夢回聽乳鶯調舌
紫燕競穿簾幕垂楊影裏粉墻映出鞦韆索對媚景

贏得雙眉鎖翠鬟信任躰誰更快梳掠
追思向日共个人同携手畧無暫時拋墮到今似海角天涯無
由見得則个番思往事上心向他誰行訴却會舊歡
淚滴真珠顆意中人未覩覺鳳帏冷落
都是唵啞錯被他閑言伏語啜做到此近四五千里為冰遠山
遙闊當初曾言盡老更不重婚却甚鎮日共人同歡
樂博粉在那裏肯念人寂寞
終待把雲牋細寫把
衷腸盡恣說破問伊怎下得憐新弃舊頓乖盟約可
憐命掩黃泉細尋思都為它一个你忒煞虧我

鶯啼序

吳江長橋

黃在軒

銀雲捲晴縹緲卧長龍一帶柳絲蘸幾簇柔煙兩市
簾棟如畫芳草岸灣環半玉鱗鱗曲港雙流會看碧
天連水翻成箭樣風快 白露橫江一葦萬頃間靈
槎何在空翠濕衣不勝寒日華金掌沉瀼蕤花平綠
紋襯步瓊田湧出神仙界黛眉脩依約霧鬟在秋波
外閣噓青蜃檐啄彩虹飛蓋蹴鰲背燈火暮相輪倒
景踰睇別浦片片歸帆舞蛟幽壑棲鴉古木有人剪
取江水憶細鱗巨口魚堪膾波涵笠澤時見靜影浮
光霏陰萬貌千態 蕪葭深處應有閑鷗寄語休見
猜洗却香紅塵面買箇扁舟身世飄萍名利微芥攔
干拍遍除東曹椽與天隨子是我輩儘胷中著得乾
坤大亭前無限驚濤總把遥岑月明滿載

壽胡存齋

趙青山文

初荷一番濯雨錦雲紅尚捲隘華屋賦客吟仙候望
南極天遠還報道飄然紫氣山竒水勝都行徧却歸
來領客水晶庭院開宴 窓戶青紅正似京洛按笙
歌一片似別有金屋佳人桃根桃葉清婉倚薰風虬
鬚正綠人似玉手接紈扇美風流只有蓬瀛畫圖曾
見 誰知老子正自蕭然於此興頗淺只擬問金砂
玉蘂充髓烏肝偃月爐中七還九轉今來古往悠悠

史傳神仙本是英雄做笑英雄到此多留戀
看着破曉耕龍跨海騎鯨千年依舊丹臉
便教乞與萬里封侯柰朔風如箭又何似
六山一任種竹栽花棋局思量墨池揮染
天還記得生賢初意乾坤正要人撐拄
便公能安隱天寧肯待看佐漢功成伴
赤松遊恁時未晚

花草粹編卷之十二終



